



道園學古錄卷之四

在朝彙四

雍 虞 集 伯生

芝亭永言

絕句七言

次韻竹枝歌答袁伯長

沙禽東去避網羅，蕩舟相逐如遠何。越山青，越女白，從此
勞人魂夢多。

春江風濤苦欲歸，東盡滄溟南斗低。明年白日百花靜，憶个
琴中烏夜啼。

燕姬當壚玉雲清，簫中吹得鳳凰聲。不及晴江轉拖鼓，洗盡
船頭沙鳥鳴。

木夫容

九月襄王宴渚宮，霓旌翠羽度雲中。滿汀山雨衣裳濕，宋玉

愁多賦未工

水夫容

長洲宮沼醉西施，蕩漾蘭舟不自持。願奉君王千歲樂，一盤
清露玉淋漓。

送四川憲使

晚趨嚴召直承明，侃論思歲未更國。老不應持節去鄉人，
徒羨過家榮。

錦溪園裏千尋竹，夏日移床就綠陰。烏帽練衣叩竹枝，閒來
誰與共清吟。

已歎玄經返墨池，復愁國史奉嚴祠。離鄉游子歸仍晚，獨對
東風惜髮絲。

小東郭外今無舍，萬里橋西況問田。不恨錦官非昔日，但尋
玉局是何年。

龍游峽口芝千本，仙井山中玉數簋。老去首丘天所念，未甘
孫子祗東南。

曹將軍馬

高秋風起玉關西，踣鐵歸朝十萬蹄。貌得當時第一匹，昭陵
風雨夜聞嘶。

舊屋

舊屋已屬他人家，臨風且復立江沙。欲從子雲訪墨沼，更向
少陵尋浣花。

誰家

誰家結屋倚江湍，五月湍聲入座寒。種樹已堪維馬，駢開軒
即可把漁竿。

馬圖

昔在乾淳撫蜀師，嘗茶買馬濟時危。鄉人啜茗同觀畫，解說

前朝復有誰

先君太史棄諸孤之四年集來吳門省連州府君
大墓始見叔父南山翁翁與集同出太師雍國公
蓋四從矣翁曰後會未可期幸留數語識歲月翁
方客授外鄉又以推人生年月日論禍福以助道
故不能久留城中敢用賦此以承命云耳

玉屏古栢與天齊使過于今又七期各道遺書向江上西風
江水髮絲絲

玉遮墓下有諸孫東望滄波每斷魂泣血三年餘喘在更將
衰淚灑荒園

族人散處江南郡不識音容但記名世澤須令孫子憶故家
今幾尚簪纓

王母圖

瑶草春深晝日閒靈芝清露自怡顏
雙成吹徹參差玉八駿
人間去不還

偷桃小兒癡且妍恃恩無賴更蒙憐
竊翻雷電天公怒風雨
落花紅九川

黃竹遺墟白雪高空系戴勝向晨噪
茂陵多欲非仙器枉賜
金盤五色桃

西望瑤池斗柄旋金明水淨月娟娟
請觀阿母神仙籍名在
龜山第幾篇

竹杏沙頭鷓鴣

蛺蝶飛來石竹叢羅襦曾試繡紋重
荷花啼鳥銀屏暖卧看
牕間唾碧茸

閩州海棠

閩州城南天下稀海棠參天鸚鵡飛
百年高興付蕭散老蒼

西江何日歸

畫猿

冷泉亭下呼常到，巫峽舟中聽更愁。老石枯藤還見汝，因懷
經處思悠悠。

託夢中詩二首

祝融君紫虛君率子廉

出海雲霞九色芒，金容滉瀟水中央。向曾賜服玄洲玉，今結
蕭臺五鳳章。

飛步崔嵬上九宮，親題彩筆篆明虹。玉樓臨海連天碧，待子
扶桑鶴出籠。

失脚漁磯返棹遲，或回石上候來期。老翁岩下諸年少，總解
題詩笑髮絲。

題周東陽進士為南郭園林記後

南郭名園繞隔縣，好添花竹又清時。歸來未老此亦車，在百里
尋春定可期。

維摩

一士同開不二門，是何境界擬評論。若為普供諸香飯，貴得
薰聞悟識根。

錢舜舉折枝夫容

白髮多情憶劔南，秋風溪上看春酣。剪來一尺吳江水，擬比
千花濯錦潭。

商德符小景

商公昔者觀秦蜀，劔閣崢嶸筆底開。又向江南住三載，不為
庠阜即天台。

天曆改元十月題子昂馬

朝廷無事日從容，太僕承恩出九重。前代王孫今閣老，只書

天闊八尺龍

寄馬伯庸尚書

江上河豚次柳花二月淮船當到家賜金盡賣買田舍坐對
八公吟日斜

商德符小景

五老峰前屢往來紫雲如蓋蔭崔嵬十年京國頗看書最愛
高僧坐石苔

賦故宋李忠襄公植烏石渡舊隱

窈窕幽篁帶薜蘿青春白日坐蹉跎試詢烏石江頭水寧有
微波接汨羅

訪杜弘道長史不值道中倡成

雨泥輕塵道半乾朝回隨處借花香墻東千樹垂楊柳飛絮
時來近馬鞍

聽雨

屏風圍坐鬢髮二絳蠟搖光照暮酣京國多年情盡改忽聽
春雨憶江南

春雲

春雲漠二度宮城樓雪初融水未生行過御溝成又立起頭
技上有流鶯

與趙子期趨閣

日出風生太液波畫橋千尺彩船過橋頭柳色深如許應是
偏承雨露多

玉堂讀卷雜賦次韻

待漏宮門聽鑰開袖中進卷總賢才奏名殿裏千花合傳勅
階前好雨來

千花覆檻柳垂絲畫刻傳呼淑景遲
聖主自觀新進策侍

臣簪筆立多時

文章光焰貫長虹來者無窮去者空頭白眼昏心力盡西堂
深夜燭搖紅

題陳衆仲助教送人之官南平序後

我憶錦溪最上原春雲爲雨日行天何時獨上溪邊閣不待
冷風已洒然

院中獨坐

何處他年寄此生山中江上總閑情無端繞屋長松樹盡把
風聲作雨聲

題歐陽原功少監家柯敬仲畫

汾陽日二水生波翠袖黃裳晚權過珠樹月明花婀娜鳳毛
春煖錦婆娑

樊宮朝雨過江潭燕二新來試浴蠶庭下錦衣皆稚子燈前

秀色是官男

子昂人馬圖

綠衣奴子十七八面如紅玉牽馬過繡簾美人時共看堦前
青草落花多

紹興間臨安士人有賦曲一春長費買花錢日

醉湖邊玉驄慣識西湖路驕嘶過沽酒樓前紅杏

香中簫鼓綠楊影裏鞦韆晚風十里麗人天花壓

鬢雲偏盡船載得春歸去餘情付湖水湖烟明日

重扶殘醉來尋陌上花鈿思陵見而喜之恨其後

疊第五句重携殘酒酸寒改曰重扶殘醉因歐陽

原功言及此與陳衆仲尋腔度之歌之一再董此

字求書其事因書之并系以此詩

重扶殘醉西湖上不見春風見畫船頭白故人無在者斷堤

揚柳舞青煙

題畫古木

高秋木落洞庭空，岳陽城南多晚風。蛟龍夜護玉壇古，劍影長留明月中。

八月十五日得 旨先歸驛騎在門復召還草

詔十七日至桓州驛題壁

烏桓東望天無際，祇有銀蟾出海頭。不得吹簫送清夜，禁城鐘鼓度中秋。

子昂幽蘭脩竹

舊時長見揮豪颯，脩竹幽蘭取次成。欲把一竿蒼水上，鷗波千里看雲生。

子昂竹石

數尺琅玕近玉階，連昌宮苑苑人來。唐之蒼石如人立，恐有

題名上紫苔

畫竹石

井中墮却翡翠釵，海上拾得珊瑚鈎。蒼龍過雨影在壁，斷雲零落令人愁。

箕筥谷中春事晚，老鶴悅啄莓苔生。長鳴戛々雨氣潤，舞羽脩々山月明。

酬書巢送棕帚

積雨蒼苔路不分，松華盡日落紛紛。塵埃滿袖歸來晚，誰與柴門掃白雲。

子昂畫

棠梨枝上白頭翁，墨色如新最惱公。直似故園花石外，銅盤和露寫東風。

送上黨長

春雨人參長紫苗，縣庭無事坐終朝。俯看雲氣千山表，野有新田市有譚。

畫馬

蕭條沙苑貳師還，首宿秋風盡日間。白髮圍人曾習御，長鳴知是憶關山。
魏國夫人學畫眉，官門准入許先馳。春風十里聞鄉澤，新賜金鞍不受騎。

畫羅漢

虎嘯千山木葉空，晴空無處著神通。蒼龍浴罷軍持水，閒玩明珠似日紅。

題納涼圖

百頃芙蓉水，涵隄綺繡。只在畫橋西，羊車薄莫過湖曲。驚起鴛鴦不並棲。

題畫

松戴蓬萊山上雲，竹含滄海岸邊風。三更月上誰能看，唯有河東學劍翁。

題趙子固山礬瑞香水仙聚意

梁園池館日蒼涼，飛蓋追隨憶故鄉。澤畔行吟春事晚，時駐屐近微香。

息齋竹

紫貂蚤解微圍驟，一棹夷猶雪滿簪。山雨欲來春樹暗，盡將情思寫江南。

冬至前一日會吳宗師

絲々微息起黃庭，仰望搏桑拂帝青。海上鶴來知有意，手持揚許寫來經。

題吳彩雲鳥所書唐韻

豫章城頭寫韻軒，繡簾窄地月娟娟。尋常鶴唳霜如水，書到人間第幾篇。

壬申芝亭春帖子

祇今江上無茅屋，何日成都有薄田。若荷聖恩歸去蚤，東風擊壤慶堯年。

髮從更白二千丈，身似初生第一春。又向黃庭留白鶴，偶隨華蓋駕蒼麟。

東風吹雪著髭鬚，目力都妨讀舊書。兒子總堪供稼穡，故人還許共樵漁。

一種芝蘭異楚新，儀如鸞鳳氣如春。他山借石成瑚璉，莫負深耕種玉人。

華萼樓宴集圖

華萼樓前翠輦來，寧王吹笛百花開。夾城誰敢爭馳道，獨對

霓裳進玉盃

為歐陽學士題子昂墨竹

蒼崖倚木雲千尺，新筍穿林玉一雙。若到瀟湘聽夜雨，定知剪燭向西牕。

先生歸到歸鴻閣，閣下應生此竹枝。定有鳳凰來共宿，可憐翡翠立多時。

送道士趙虛一歸金陵

二月二十五日集侍立延閣。上顧問集嘗至金陵否。集謹對曰：嘗到。又曰：冶亭是汝所題。往年八九至其處。新松當長茂矣。集謹對曰：臣猶是未種松時到也。近臣奏曰：玄妙住持道士趙虛一所種也。上曰：然。又顧問集曰：已陞觀為宮。汝知之乎。集謹對曰：臣奉勅題榜賜之矣。是日歸虛一來別歸江南，即告以聖上不忘治亭。

之意又三日吳大宗師賦詩贈行董先生為待卷來索
賦因錄所得 聖語如上云
春明書侍奎章閣 聖上從來問治亭為報仙都趙貞士新
松好護萬年青

題子昂春江聽雨圖

越鳥巢南枝所欲得於江湖之上者甚不多也區區不
余界觀此慨然

憶昔江湖聽雨眠 歸鴈度春前數株古木依茅舍老去
何年踏釣船

賦思州田氏楊夫人栢舟堂

白髮高堂書霧昏 自將忠義教兒孫邊傍種得千株柳春雨
深人荷主恩

次韻杜德常典籤秋日西山有感

落日龍舟山下回 寺門依舊對山開 霜凋碧樹烟生意從此
頓傷八月來

百頃夫容野水光 石梁秋日度流禾 空遺玉座臨高閣 只有
金仙住上方

閣上露華生翡翠 潭陰日色射金虬 乍時車駕迎風動 此日
闌干傍水流

每進文章出殿遲 日華西轉馬年枝 甘泉罷罷幸揚雄 老病髮
秋風不受吹

題畫何敬仲雜書

夢裏江南憶舊遊 明璫翠佩不勝愁 一鉤纖月清如水 吹笛
何人共綠舟

黃筌夫容乳狗

西林初聞鼓貢來 金毛覆地不凡林 鸞震躡趾同靈囿 抱子

花陰卧石苔

題柯敬仲畫

牽牛引蔓上棠梨，上有幽禽夜々栖。自有秋風動疎竹，江南落月不須啼。

題蔡端明蘇東坡墨蹟後

天際烏雲含雨重，樓前紅日照山明。高陽道士今何在，青眼着人萬里情。此蔡君謨愛中詩也。僕在錢塘一日，謁陳述古，邀余飲堂前小閣中，壁上小書一絕，君謨真跡也。縛約新橋生眼底，侵尋舊事上眉尖。問君別後愁多少，得似春潮夜々添。又有和云：長筆生筋殘粧臉，背為金釵露指尖。禹斛開愁何日盡，一分真態為誰添。一詩皆可觀後詩，不知誰作也。杭州營籍和韻者多，音奇茗堂與君謨聞勝詔，又知作詩子容過杭，述古飲之，韻

泣求落籍子容曰：可作一絕，詔接筆立成曰：隴上果空，歲月驚勞。空音回首自梳頭，開籠若放雪衣女。長念觀音般若經，却時有服衣白。一坐嗟嘆遂落籍，同輩皆有詩送之。二人最善，胡楚云：淡粧輕素鶴翎紅，移入朱闌便不同。雁笑西園舊桃李，強勻顏色待春風。龍靚云：桃花流水本無塵，一落人間幾度春。解佩暫酬文甫意，濯纓還見武陵人。固知杭人多慧也。

祇今誰是錢塘守，頗解湖中宿畫船。曉起鬪茶龍井，十花開陌上。載嬋娟，拍樂天蔡君謨撰。

老却眉山長帽翁，茶烟輕颺鬢絲風。錦囊舊賜龍團在，誰為分泉落月中。

三生石上舊精魂，解后相逢莫重論。縱有繡囊留別恨，已無明鏡著啼痕。

能言學得妙蓮華贏得春風對客誇乞食衲衣渾未老爲題
靈塔向金沙

丹丘柯敬仲多蓄魏晉法書至宋人書殆百十
函隨以與人弗留也他日獨見此軸在几格間
甚怪之及取觀則吾坡翁書蔡君謨夢中詩及
守居閣中舊題也第三詩以爲不知何人作其
軒轅彌明之流與陳太守放營妓三詩亦尊翁
翰墨流傳至今亦有緣耶卷後多侍紙敬仲求
集作詩識其後賦此四首是日試郭北墨但日
疾轉深不復能作字又知年歲後雖若此者亦
尚能作否臨楮慨然至順辛未二月望日蜀人

虞集書

題著色山圖

巫山空翠濕人衣玉笛凌虛韻轉微宋玉多情今老矣
閒雨是耶非

題東坡帖

東坡先生書少陵翁負新行筆力與辭氣同一高古意
在江上聞舟人竹枝一首謾識於此

魚復浦前春水生負新渡江初月明憑郎莫下巫峽去楚王
宮殿在專城

題畫張彥輔小景

山下吳王避暑宮宮前浪起白蘋風抱琴響舞廊頭去多是
扁舟笠澤翁

題李氏青溪精舍

昔逢李白青溪上醉著宮花紫綺袍松雪落崖廻晚揮海風
吹月見秋豪

題李氏浩然堂

水滿青溪花滿家，浩然堂上看春風。小車還過溪頭去，偏看青山似洛中。

聽雪軒

樓前宿鷺起星河，近歲江南雪轉多。投老鍾山寒不寐，滿山松竹夜如何。

放鶴亭

山人不受北山移，春雨開田種紫芝。昨日華陽真逸到，伯兮過海問安期。

臘日偶題

大藥無功卦氣銷，等閒雙鬢雪飄蕭。東家釀得黃精酒，說道凌晨許見招。

舊時燕子尾絨，重覓新巢冷未堪。為報道人歸去也，杏花

春雨在江南

無題

夏簾琅玕冷於水，綠鞵烹魚手操七。東風歸燕杏梁深，恨不身先貴人死。

與陳升海

門外大風都不起，牕前卷書淨於水。匡廬道士上清來，吹笛數聲月明裏。

與陳道士

門外大風吹樹倒，牕下燒香禮黃老。日午誦徹大洞經，白鶴隨人啄瑤草。

題扇與周幹臣

玉壘松花蜜餅香，龍珠星顆露盤涼。遙知環碧樓中坐，翠竹蒼蒼松夏日長。

樂府

次韻禮院孟子周僉院秋夜曲二疊

天濶秋高初夜長，浮塵銷盡霧蒼茫。澄江孤月轉危墻，金井有聲惟墜露，玉階無色下疑霜。不聞人語只吟蛩，風力清嚴掃暮煙。纖塵不碍月嬋娟，太虛那得有中邊。大地山河空復影，九霄宮闕舊無傳。幾承劍氣一飄然。

招能少府

南阜小亭臺，薄有山花取次開。寄語多情能少府，晴也須來雨也須來，隨意且銜盃。莫惜春衣坐綠苔，若待明朝風雨過，人在天涯春在天涯。

廬山尋真觀題法曲導引

闌干曲正，面碧崔嵬。嵐氣着衣成紫霧，黑香橫壁長蒼苔。鴈託蟾，柏影掃空臺。江海客欲去，更徘徊。霧鬢雲鬟，何處在風

泉壑磴幾時來，鶴翅九秋開。

題梅花寒雀圖

殘雪曉牕外，幽禽小春聲。初動苔枝，裊花落知多少。春起早，苦被東風惱。綠陰青子歸來好，滿徑生芳草。

柳梢青題楊補之梅花

至順癸酉立春，客有持逃禪翁此卷相示，清潤溫藉，使人意消，因所題柳梢青調亦賦一首云。

從別幽華玉堂金馬十載，忘家橫幅。疎枝如逢舊識，同在天涯。荒村茅屋，欹斜待歸去，重尋釣槎。解卻絲鉤，青鞋藜杖，翠竹江沙。

風入松

畫堂紅袖倚清酣，華髮不勝簪。幾回晚直，金盞殿東風軟。花裏停驂，書詔許傳宮燭，香羅初剪朝衫。御溝冰泮水接藍

飛燕又呢喃重。簾幙寒猶在。憑誰寄金字泥緘爲報先生歸也杏花春雨江南

頌

皇太子受寶頌有序

臣某等敬觀 皇太子受寶於行幄謹再拜稽首而言曰臣聞古之所謂能以天下讓者審幾於先事謂之至德既勸而庸巽謂之子賢是皆人道之常而未若今日之盛者也我皇太子以人文之資智勇之德當撥亂反正以續 祖宗之統則躬當大難嬰犯霜露而不辭及功成治定既膺歷服之歸則推奉 聖兄謙居 儲貳而不伐剛明之斷堅於金石而無變素定之誠質諸天地而無疑求仁得仁若處固有樂道忘勢訢然無爲此實帝王之所難能古昔之所未有而卓然特見於前後千萬世之內者也臣嘗讀周易而觀於乾龍

之象自潛至躍時升位異九五天飛中正極矣益進而上庸知退乎而仲尼之讚上九曰唯聖人知進退之正言非聖人不能及此噫仲尼發此義於千五百年之前而叻見其事於聖代宗社生靈萬世無疆之福也於乎盛哉臣等幸以文學得備延閣之顧問親逢盛禮爰敢作頌以獻頌曰於穆 皇儲文武聖明於赫 大帝受命輯成天運日行既明既健神交意孚曾是脩遠 帝載龍旂其行逢 萬民僕來 皇儲有思載思載瞻于廬于旅式好在原莫敢寧颯風雨孔時道無游塵肅 鑿車通宵及晨 帝曰勞止毋趣行邁會言近止交喜更慨灤陽之京 卅皇所營我母即安次于郊垆垆有豐稟雨露既溼差駟于牧鯨纓濯 皇儲攸止百靈具扶群臣受詔奉寶來趣維時蘊積龍光上燭 祖宗之傳景命攸厲寶來自天追琢有章卿雲隨之五色景芒有親有稟

有友有愛以承 武皇 聖孝斯在古人有言兄弟家邦咨爾臣庶於乎勿忘史臣作頌不昭盛德既壽以昌子孫千億 郊祀慶成頌

不章閣大學士光祿大夫臣忽都魯都兒迷失等言臣聞天子有天德則克當天心以享天命故其為禮必親祀上帝而尊祖以配之所以明乎大寶之位付受繼承之公至誠而無妄者也粵若至順元年十月辛酉親祀南郊前一日大駕出次郊所天光低徊陽煦充達氷釋于澤風不鳴條群臣駢奔百靈後先其在齋宮也端拱無為致思純一神物表見雲氣發輝五采郁紛弥綸會際人神之感已兆于斯至乎望舒方中星緯環列太和磅礴如時在春降玄水於方諸明燿火於紫陛奉常告具侍中奏嚴玄裘迺御袍勺斯舉奠圭升燎上帝臨饗有神光以致祥出景星以昭德熙事備成坤乾

暉乃還次于幄殿將迎嘏於陽谷應龍雪其重潤若霧絢乎曾霄 天子又出次而拜既焉於是公卿大臣奉觴上壽各陳其說以贊休嘉 天子曰嘻予以天地祖宗之靈克正統緒君臨兆人凡所以昭事上帝者豈私朕躬哉予惟對越億萬年而無斁者予何敢不勉於戲聖人之心天之心也故感應之速如此敢再拜稽首而獻頌曰

惟皇建國辨方正位相其南東吉土立時象園于穹因高于地稽古有作以事上帝昔我 皇祖受命自天報祭之始以質為度土宇闡章跡文日宣作樂告成式禮弗愆赫々世祖百度成秩 成廟繼志莫此郊域於皇 武考敬恭翼 二升配

太祖貽我憲則禮已始興命彼儒臣酌今之宜考古于文玉帛犧盛越席陶尊將命寔來則有司存人習見聞曰茲既備

惟我天子聰明睿知曰惟事天匪躬莫致既裸於廟又議
饗帝自我踐祚于今三年雨暘若時稼穡無恙孰為貳携神
發其奸孰為不庭服于師于衆賢在廷夙夜濟二人而陳規
出則將美覈名以實總綱于紀一人以寧萬國成理升中于
郊實惟其時載下載誦曰惟辛宜載被載齊我將親祀無敢
弗共在尔有司大臣若小臣間執衛桓執禮循黎
民云二衆神殷載嗟載咨載悅載欣惟明天子與天為
一不饗亦臨不顯亦式矧茲來郊衣冕佩弓躬酌躬薦上帝
用格明星景光卿雲麗天望之若遙顧依于壇當寒而臨降
降舒安行礼孔彰天豈不言皇二丕基明二聖君億萬億
年盛德日新以對于天以保于民稽首作頌播之韶均

銘

劉氏求志齋銘

作事之始志必先立如游有方若射置的苟不素定俟二奚
適是故君子惟志是尚灼知當為勇往不讓職有常分匪求
外妄其志伊何惟道是義是達是行求而得矣無顯無隱從
事在己信美劉君執書受徒惟志之求爰表齋居尚審尚端
勿惰勿迂

益齋銘

人有不足則必求益小人于利君子于德雖同於求實異其
物是故學者當慎所擇奪上弗饜賤下自豐日極而攻于凶
之逢知有未崇道有未隆力致其功美積乃躬齋居君子去
彼取此善不在大過不在細迂之如風改之如雷勇無留難
尚鑒茲哉

陳伯昇新齋鑿北牆之兩端因空以容置告琴書
則遷而宣焉請虞集為著銘其左銘曰

潛神于深養威于陰蓄之有方奮爲雷風君子則之作度居
琴內密以安外無後淫時出用之以哥雅南閒靖永年勿褻
以欽

中齋銘鑒者

凡人有生寔受厥中氣有奇偏或害乃躬聖神是側於過不
及損益寔虛斟酌緩急約其反歸藥石則施中焉而止教必
有師藝多之專成乃墮於術善尔齋居知中之極

爲潘憲臣作韓氏陶研銘

大陶軒轅范阿泓搏丹合土水火并隕然凝質幾天成重厚
密澤堅方平發揮文章著光晶磨涅千歲無毀傾潘甫愛之
如奉盈有虞尚陶爰勒名

洮硯銘爲陸友仁作

雲生洮中化完玉膚理纈潤色正綠保而用之吳郡陸

韓克莊硯銘

毓德深泓達材清明磨礪圭角凌濯光精至溥之澤至華之
英作爲文章以頌治平

潭心銘

馮玉得吳先生所遺詩取詩末潭心字以名齋豫章揭曼碩
既爲之銘玉又欲予銘予笑言哉姑捨其緒餘以誦之云耳
其辭曰

潭有止水環鄉得中名之曰心天光下容舉體涵空即物顯
色日行中天委景如的因見而指謂中在茲實無限量可擬
津涯雖無限量而有自起斂微散殊周流終始往來有恒應
感不私天施地生莫爲而爲受而生者明通則一請視斯潭
汎應何迹齋居君子鑒而新之敬以事天不其純而

永思堂銘

先王制禮一本民彝祭乎情文匪強偽爲惟均受命心同理
一品節以行至當有則執親之喪哀貴外興國俗則亡脫因
獨能知能之良隨感以見弗學而合昭厥本善二之所推寧
止於斯君子曰嘻我其擴之於惟克思作聖之事會歟是歸
弗思尔已尔奠尔牆如將見之召厚貽名動必致思翼二新
堂孝子所止以宴以享皆思之地服惟三年喪則終身死而
後已慎哉爲人薄化還敦詎不由此我銘末思以錫孝子

贊

御書贊

欽天統聖至德誠功大文孝皇帝當龍德之淵潛乃海瓊而
于邁山川近承於潤色草木咸被於恩光况乎粲然雲漢之
章照耀下土昔人有言天不愛道地不愛寶此之謂歟故武
略將軍瓊州安撫副使臣林應瑞之子天麒得事 上於游

冰翰墨之際百拜求所以顯揚其親者乃蒙賜之梅邊二葉
以貴飾其祠堂云至順元年閏七月天麒朝於京師來求臣
集述贊於下方集拜手稽首而作贊曰

天日照臨萬物咸遂有生有成何間遠迹顧瞻海邦波濤不
驚上際於天晨光清明小臣守土靖恭厥職維皇念之厥有
殊錫維南嘉禾梅作其花冰雪之英炫於朝霞昔者其曾有
若浦者隱於湖山託此爲雅今以命之輝光其家億萬斯年
承我休嘉

御書贊

天子親除吏至御翰墨以賜之此 聖恩之至隆文治之極
盛者臣伯單衣被光顯何其榮幸乎臣集謹再拜稽首而述
贊曰

宮中之政昔統冢宰出令詔禮陰教斯在維 皇念之慎簡

乃僚書以命之雲漢於昭凡我民庶敬共率職永懷忠貞以報天德

臨川吳先生畫像贊

業廣而精德周而直登析群言以究斯文章南玄端書冊左右豆第君子天錫眉壽

自贊

貌平千載之下而謂古今一時也眇乎五尺之軀而謂天地一體也廓乎不自知其所知也欲乎未能至其所至也悅乎若憂非有傷乎其內也泊乎若休無所待乎其外也服今人之服食今人之食同乎今之人聊以順吾際也讀古人之書頌古人之詩思夫古之人不却老之至也

曾子輩僉院畫像贊

篤信聖賢之要力求經傳之遺屹乎山嶽之時察乎日星之

垂端居兮憂世之侃致用兮儼然而有思繫豈弟之君子庶人文考在茲

奎章閣大學士光祿大夫忽公畫像贊

蒼然松柏之堅貞嶺乎圭璋之粹美慈焉在物之春風澹若秋淵之止水抱完器而晚售逢聖明而特起紬往哲之緒言貫声文而同理造膝乎帷幄之密贊化於經綸之始致清華於崇朝長詞林以踰記謙自牧以立誠勇有爲於信史受深知於明主曰嘉遜之君子開延閣而首召佇嘉言之來啓剛不吐而柔不茹滿知足而高知止著龜宗社之先幾麟鳳治朝之多祉錫眉壽以爲期儼丹青之綏履

蘇君真像贊

偉哉蘇君曰子寧以廉有所不取介有所不與赫奕者有所不趨澹泊者有所不去嚴於操持有所不爲謹於思慮有所

不語以詩書爲業而不虛不踈以法令爲師而不深不固此所以用適乎今而行合乎古畫而肖之萬一得其心素矣

西夏相幹公畫像贊有序

公姓幹氏其先靈武人從夏主遷興州世掌夏國史公諱道冲字宗聖八歲以尚書中童子舉長通五經爲番漢教授詳論語註別作解義二十卷曰論語小義又作周易卜筮斷以其國字書之行於國中至今存焉官至其國之中書宰相而歿夏人嘗尊孔子爲至聖文宣帝是以畫公象列諸從祀其國郡縣之祭率是行之夏亡郡縣廢於兵廟學盡壞獨甘州僅存其迹興州有帝廟門榜及夏主靈芝歌石刻涼州有殿及廡至元間公之曾孫雲南廉訪使道明奉詔使過涼州見殿廡有公從祀遺像秘歔流涕不能去求工人摹而藏諸家延祐間荆王修廟享盡撤其舊而新之所象亡矣廉訪之

孫奎章閣典籤王倫都嘗以禮記舉進士從予成均於闕下又爲僚焉間來告曰昔故國崇尚文治先中書與有功焉國中從祀廟學之像僅存於兵火之餘而泯隊於今日不亦悲夫先世至元所摹像固無恙也願有述焉以貽我後之人乃爲錄其事而述贊曰

西夏之盛禮事孔子極其尊親以帝廟祀乃有儒臣蚤究典謨通經同文教其國都遂相其君作服施采顧瞻學宮遺像斯在國廢人遠人鮮克知壞宮改作不聞金絲不忘其親在賢孫子載圖丹青取徵良史

天根子贊有序

天根子者金華葉審思先生也先生生長富貴家人世之樂略已足備而自幼求道甚切徧歷諸方年四十餘始克盡屏諸累往來閩粵間大山叢林草屋石室蕭然獨居宴坐定息

或累數千晝夜人有疾病水旱殃怪之屬強起之亦欣然往
應如其禱而初無所爲也有西域僧自海上至海上人長老
識其爲三三百歲人人扣其道不可得見先生獨喜而告之
曰海岸有草與子採之鬻瀕立成黃金先生咲而不受它日
又曰行吾所能壽千百歲不足爲多吾久擇人授之無如子
者先生又不受僧嘆曰吾先佛所謂大乘根器者予聞諸蕭
田陳衆仲者如此至順二年聞有天根子北游醫無問之山
訪其友蒯子訓之徒予解后見之則先生也予從問天根之
說得其言而次第之作天根子贊贊曰
翹乎其乾墮乎其坤氣聲軋摩營霸吐吞執鼓其橐爲此翁
關往禪來續生以不息君子湛默求端於初視聽內收返旋
中虛魏、尊高至極之極能生天地以及萬物譬之於龍飲
微保涿鯨、來升體完用充出入百爲私智妄作歸求有得

不矜不怍無以喻之命曰天根形銷名亡獨此之存迺繇金
華去之海上神明恬愉玩此無象瑤琴翠鞋枝葉扶疏靈風
鬱迴光儀發舒累、重山日出醴露茂育無方以長終古

橐駝圖贊

皇武肇迹宛、龍漠其居其康輯乘爲郭有服維駝羈肉載
踞毳旃帷房倬軼輦鞞軋、千里載泉于橐黃頭羔裘騎引
顧却人習見聞、聖獨有作深宮穆清思詔勤約手著厥初
伊勞匪樂公劉績稷于邠式廓畏饑啓行致祚八百史臣作
雅稽古允若

大象圖贊

皇帝畫大象二贊

皇太子監察御史前典寶少監臣忽禮台承命裝潢而寶藏
之翰林直學士臣集再拜稽首而作贊曰

有偉馴象貢自南域，倬華鏤錫，路車是服。維皇在輿，游日於式，任重持安，砥力知德。燕閒以思，寫之几格。天章龍文，臻妙造極。嗟爾微勞，尚軫宸臆。師武臣能，有不察識。若稽庖犧受圖，布畫遠取，不遺以啓神易。擬茲形容，克配古昔。臣用述贊，與世作則。

謝靈運小像贊

刊山木以遐眺，抗浮雲而脫屣。望高秋兮極浦，見夫容之出水。

道園學古錄卷之四

道園學古錄卷之五

在朝彙五

序

雍 虞集 伯生

雲南志序

京師西南行萬里為雲南，雲南之地方廣蓋萬里在

憲宗時

世祖帥師伐而取之，守者弗能定。既即位，奠海內，使省臣賽典赤往撫，以威惠浚其俗，而道之善利，填以親王貴人者四十年。方是時，治平日臻，士大夫多材能，樂事朝廷，不樂外宦。天子閔遠人之失牧也，常簡法增秩，優以命吏，而為吏者多徼幸器名，亡治術，亡惠安，遐荒之心，禽獸其人，而漁食之。亡以宣布德澤稱旨，意甚者，啓事造孽，以毒害賊殺其人，故暴悍素不知教，兇憤竊發，勢則使然，不然，舍生樂死，夫豈其

情也哉嗟夫葦壺迎侯之民日以老死且盡生者格於會吏
虐率以自遠於恩化其吏士之見知者亡所建白馭於中者
不識察其情狀一隅之地常以爲中國憂而論治者卒未究
其故不亦悲乎河間李侯京繇樞廷奉使宣慰烏蠻烏蠻雲
南一部也始下車未及有所施會群蠻不靖巡行調發餽給
填撫周履雲南悉其見聞爲略志四卷因報政上之集嘗按
而讀之考其生產風氣服食之宜人物材力之愚智勇怯山
川形勢之阨塞要害而

世祖皇帝之神威聖略槩可想見未嘗不俯伏而感歎也其
志曰張喬斬犴猾長吏九十餘人而三十六部及降諸高孔
明用其豪傑而財賦足以給軍國史萬歲會賂隨服隨叛梁
毗一金不取酋長感悅李知古以重賦徠只張虔陀以淫虐
致亂死者至二十餘萬中國卒不能有之此於事至較者明

白者心其術不甚簡易乎有志之士尚有所鑒觀焉至讀其
紀行諸詩必有悲其立志者矣

彙城董氏世譜序

維先王建国邑命氏族以報功德之臣其功德有厚薄而子
孫有盛衰也不可以無維持之法故因其嫡庶親疎而等級
之爲之大宗一以重其本爲之小宗四以聯其支然後本原
之深固者得以暢達蕃衍而未流餘澤雖或小有間斷者其
勢盤固錯互亦不可動此三代之際功臣世德之家所以傳
代歷次至於數十百年與其國家相爲終始者也然其法之
廢久矣漢初群臣未有無功而侯者及其見絕遂散爲民庶
降爲庸保後雖欲稍收合而封樹之任又泯沒而可續者
無幾是豈其澤固若是斬然哉亦維持者無其素耳魏晉下
逮隋唐徒以百官名臣之族姓家有譜謀官有簿狀昏因選

舉互爲考證子孫亦有所顧賴而世系因得不失故雖世代
促迫功烈不及於古後之君子猶有所徵焉故曰宗法立世
系明則世臣多而朝廷之勢尊於采有國有家者可不思
古之威法而補今之不足也與吾於國家功臣之系得彙城
董氏功德事狀思見其子孫之能長久也乃爲錄而序之以
附其家傳使其後之人猶有考於其本而知所維持焉則庶
幾先王之遺意也譜曰董氏出董父者以字爲氏出陸終之
子參胡者姓董以姓爲氏其在彙城者墓有遺石表曰御史
大夫然中更亂離不知何代人亦不知其所自氏今定譜自
其可知者世別而備書之

高唐李氏世譜序

高唐李氏譜一篇李處恭所自撰也維昔黃帝之子孫分國
受姓尊宗別庶歷堯舜二代數千年見諸傳記叙次可觀而

漢隋唐之際名家巨族莫不有述蓋古人之重譜牒如此嗚
呼由厥初生民而至於化育繁殖無窮矣然傳緒由世德故
多不齊或隱或著或微或盛或久或近或廢或興時世推遷
泯然中絕者何可勝數而獨於其中形蛇氣蟬絲之延幾
千百傳得至於今日而得聞者殆非偶然之故或者昧於世
德莫究所自始豈皆忽焉墜之亂離相仍不幸散軼而氏族
所因起固多不可強推者唐人笑尚氏族而李氏之譜曰李
氏羸姓自咎繇世官大理爲理氏由利貞食李逃生爲李氏
蓋難徵矣且唐有天下之日隴西之外別族尚多其以功賜
國氏者又多至十數族分合之由父而淆混雖有博識精別
之士亦將若之何哉故嘗感歎而爲之言曰夫人之生体性
一本也氣形一初也而何別異之有然子孫之於祖考雖若
貌焉冥漠而精神貫通魂氣之復胎變之交感應无間焉可

誣也是故前乎今而億萬年不可知矣後乎今而億萬世亦不可知矣不可知則亦未之知已而孝子曾孫之處乎其間者必有事焉則不可以不知也夫然則今之君子感傳緒之在茲溯世德之不易蓋亦求知於孝子曾孫之所當知者乎如此可謂知所重矣

田氏先友翰墨序

女真入中州是爲金國凡百年 國朝發迹大漠取之士大夫死以十百數自古國亡慷慨殺身之士未有若此其多者也於乎中州禮樂文獻所在伏節死誼固出於世情也哉彼其人固知天命所在寧輕一死而不顧吾知其感於中者深矣及余來中州追其哀憤之遺意將次序其事以待來世已七八十年故老莫有存者簡冊無所於徵未嘗不爲之流涕而大息也間從將相故家編問

世祖皇帝初時事云當時豪傑不死者莫不起爲 世祖用不起者竟老死然其才皆足以用于世於乎此其不輕於一死者固亦非淺丈夫也蓋以是知 世祖之聖神無敵於天下矣大德七年夏兵部員外郎彰德田君師孟緝其先友手翰爲一卷使余爲之序余讀其辭而悲之蓋其憤鬱哀壯稱余所謂豪傑者多在是 楊弘道字淑能淄萊人 王盤字文炳東平人 姚樞字公茂中書左丞謚文獻 徒單公履字雲甫女真人 高鳴字雄飛太原人 張家字義夫彰德人 趙復字仁卿楚人 楊雲鵬字飛卿 檄舉字彥率閬東人不羈詩有律 劉百熙字善甫燕人 平玄字浩然真定人 郭可昇字仲通渾源人 楊果字正卿中山人 薛玄字微之洛陽人 曹居一字通甫燕人 杜仁傑字善甫濟南人 善謹 趙著字光祖燕人大俠 張朴字孝純 田

文鼎字仲德，衍之先君子也。史噩者其鄰人。詩文總八十五衍師孟名。六月庚戌，西蜀虞某序。

游長春宮詩序

國朝初作大都於燕京北東，大遷民實之。燕城廢，惟淳暑老子之宮得不毀，亦其後麗瑰偉有足以憑依而自久。是故迨今二十餘年，京師民物日以阜繁，而歲時游觀尤以故城爲盛。獨所謂長春宮者，壓城西北隅，幽迥亢爽，游者或未必窮其趣，而幽人奇士樂於臨眺，往往得意乎其間。大德八年春，集與豫章、周儀之、四明、袁伯長、宣城、貢仲章、廣信、劉自謙、廬陵、曾益初，始得登於其宮之閣而觀之。神京雄據之執瞭然，几席之間，於是古昔之疆理、近代之興廢，因得指而論之，信可謂奇觀者矣。嗟夫，遠蹈幽隘者，無與乎宏達之觀，近爲世用者，何有於間曠之適？今吾六人者，幸生明時，以得從事於

斯也。然而簡書責任之所不及，廼得以其深懷遠志，一肆夫登臨覽觀之勝，豈非天與古之能賦者，其有哀樂虧成，必托歌詩以見志，茲獨不可相與諷詠，以待夫後之知者耶？况乎人生出處聚散不可常也，解后一日之樂，固有足惜者矣。豈獨感慨於陳迹而已哉？乃以蓬萊山在何處爲韻，以齒叙而賦之，得古詩六首，別因仲章所賦倡和，又得律詩十有三首，粹爲一卷，謹敘而藏之。

送許世茂詩序

某嘗言於袁伯長曰：先王之澤及於人深且厚矣，而祀宋文獻之無徵，則歷年久而益忘之故也。故國之亡垂三十年，而百世禮樂之淵懿淪落銷刻，其存無幾者，何也？上之君子將有事於制作，或者求而訪焉，則其所取徵不其微乎？嗟夫，斯文之興廢，信非其人之所能爲，而眇焉獨繭之緒，寄諸其人。

者焉可誣也。且其獨然一世之下，毅然千古之上，脩其事終其身以俟，不自棄亦不自獻者，是蓋故家遺族，不忍以其積委之，又遂就於湮微者也。或者不察，將以爲與持深挾高之士計數於一日，猶瞠然矚之，亦獨何心也哉！伯長聞而解之曰：物之盛衰迭爲消息，理則固然。昔之著見於世者，嘗盛矣，且子適當其微而何恠其然也。及許君世茂上計畢事將歸于武昌，乃謂某曰：度德論世，同於舊者益寡，而清慎雅厚若世茂者，又當遠去而弗能相左右，信乎微者之未遽振也。率周儀之貢仲章作詩以送之。維吾蜀詩書之故家而近者十數，互有昏因師友之好而許與我。今家江之西，故某作送許世茂詩序。

李景山詩集序

古之人以其涵煦和順之積而發於詠歌，故其聲氣明暢而溫柔淵靜而光澤。至於世故不齊，有放臣出子，斥婦囚奴之達其情於辭者，蓋其變也。所遇之不幸者也。而後之論者，乃以爲和平之辭難美，憂憤之言易工，是直以其感之速而激之深者爲言耳。蓋亦觀於水夫安流无波，演迤萬里，其深長豈易窮也。若夫風濤驚奔，瀧石險壯，是特其遇物之極於變者。而曰水之奇觀必在於此，是豈觀水之術也哉！余讀景山之詩而有感於此矣。景山蚤歲即起家掌故樞府，不數年遂長其幙，方驟用而遽坐廢，蓋五年而後宣慰雲南，二年而報使移病歸鄉里者，又二年矣。二十年間爲詩九數百篇，而雲南諸作尤爲世所傳誦，豈非感激於其變者然哉！然余觀其樞府所賦，廼多在於西山玉泉之間，其雲南之詩，至自叙曰：其辭或傳，幸得托於中州人士之末，雖能悲宕動人，察其意則能深省順，無怨无忿厉之氣，其居鄉諸作，放曠平易，又若

初未始更憂樂之變者余因歷考其所遇而察其所立言考
有以見其所存者庶幾不繆於古之人矣而徒以雲南之作
知景山者特未及窺景山者也景山於書無不讀而酷好老
子於古之人無不孝而獨慕白樂天然則其能廓然以自廣
脫然以自處者殆有由來也景山年未甚高而道孝方力後
此而有作余將不足以窺之也夫景山姓李氏名京河間人
鳩巢其自號也故其詩總題曰鳩巢漫藁虞集序

女教書序

女教之書者相人許獻臣之所輯錄也古之王者理陽教以
治外后理陰教以治內未有無教而可以爲治者也其教之
之具男子則王宮國都閭巷之孝禮樂射御書數之文是也
女子則織紵組紃之工宗室邊豆之奠姆師之訓誦詩正事
之聞是也其事則見乎日用常行之間父子兄弟之倫男女

夫婦之別飲食衣服之制冠昏喪祭之禮者矣曰女子處乎
閨門之內從乎人而無所專制者也其教之也亦若是其備
耶嗚呼蓋亦觀於周南召南之風乎本乎后妃達乎諸侯之
夫人大夫士之妻以至閭巷田野之婦人女子皆有以涵泳
乎深仁美化處乎身而發乎言者從容動合乎禮法此先王
之盛所以後世莫之及也語治道者豈有遺於此哉先儒君
子所以示吾學者大綱細目罔有遺軼然猶有不能致知而
力行者言女教者近幾絕響自非詩禮之家見聞之習與夫
天資之本美者其不陷溺於流俗者幾希此固知治者之所
憂也獻臣之書六篇略倣朱子小學之書類例本之經以端
其原因乎禮以道其別據先儒之言以極其理參傳記之事
以適其變而女事備矣君子之立言貴乎有益於風教此書
其殆庶幾乎獻臣學正學行正行居親喪以能喪聞有子擢

進士高第爲時聞人其成教於家者可見矣書豈空言云乎哉

送文子方之雲南序

自昔著作之廷職在討論文學材藝之士處之無所與乎有司之事也而文君子方之在是官前既出受交趾方貢今又分典選事於雲南何其賢勞也廷議嘗以子方爲刑部主事辭不就意若避劇要也而特無憚遠於是行何也子方之言曰

世祖皇帝之集大統也實先自遠外始故親服雲南而郡縣之鎮之以親王使重臣治其事自人民軍旅賦役獄訟繕脩政令之屬莫不總焉獨不得承制署置屬吏耳凡其仕者服冠帶治文書內地之人與土著豪傑參伍而雜處使其皆受命于朝而後仕也則道里遼遠將不勝其往來每三歲

輒遣使者往即而臨定焉比於閩蜀二廣祖宗制法之意微矣且選調之法自中書吏部才得擬其七品以下其上者固造命於朝廷今使者之出雖三品之貴猶得按資格擬所宜居官以聞其下者如使者所命即治其事歸報出成命授之其重如此是以嘗遣大官若精強吏以往自有成法以來行之四五十年未嘗使踈遠文人以館閣之職行也而執政者選擇而使之然則有不得而辭之矣嗚呼可謂知所重輕也哉或曰古之仕者不出其國命於天子才一二人耳其餘皆其國之人也故其察之也審而用之也當後世雖小官必命於京師而期集者衆選曹不復能察其賢否徒以歲月先後多寡以爲差次此世之通患也然猶以吏部之官數人攷覈討論而後其文具乃始論定以官之蓋亦密矣今遠方雖曰姑俟闕略然使者馳萬里乃至直取其姓名負闕而聞焉

亦暇於詢攷而聽察其人乎苟比而錄之則一利刀筆一日治之有餘矣何足以勞吾子方也耶曰不然古之言使乎使乎者天下之達材也遠險之國玩於承平久矣風俗移易之漸政令張施之故利害之消長險易之通塞治忽之朕兆情偽之幾微與夫奇材偉器之當以各聞者至者有弗能知也知者有弗能察也察者有弗能言也言者有弗能達也國家所以明見萬里之外而制之者將何以哉子方知足以周事慮足以及遠辯足以達情勇足以致用是行也使邊鄙之吏民聽其議論而觀其施設悚然驚愕以為雖一乘之使其風采才略如此莫不充然而歆羨恬然而厭服知朝廷之有人也非子方其孰能與於此乎同朝之士以其行之遠也慕回路相贈之誼皆為歌詩以遺之嗚呼殆亦難為言哉將言其設施之方與則子方素慮已定不待於人言也將言其山

川風物之美與則子方將親歷之固能賦者也則果難為言矣雖然跋涉之餘公事之暇能無少休乎試取而詠之亦足以之深導性情之正矣於是察所以期望之意其亦有發於小知大受之辯矣哉

題史秉文資陽故譜序

某嘗聞父兄言二百年間眉山史氏之盛也方其盛時蓋一時兄弟至數百房而四明諸史世相封王富貴之極東南無與並者其稍後真定之史際遇國朝推其所自大抵皆本太史佚之後云其族三處羅各極一時之盛尤它族之所無也秉文氏出其資陽故譜石刻固亦眉之分也資陽之族猶二百房則散在它郡者可推而知已今資陽譜惟秉文一人以文學仕于朝又能追求先世墳墓譜系於故鄉湮翳之後誠可尚也今蜀史之在東南嘗見其化中君葯房翁諱孝祥則

學齋祕監先生諱繩祖之令子也。其化與先蜀侯兄弟也。其化之子以蔭官江西州縣。而嘉興路經歷繩武正翁者。則通鑑釋文之曾孫也。近有台孫景星者。嘗歷浙東帥府掾。教官也。來求誌其五世祖母。出蜀時殺身存後之事。其它以儒學教授田里。及浮湛民間。尚多不及。僕數而某不及知者亦多也。葭房家在江陰。正翁家長沙。而景星遂真爲湖州人矣。嗚呼。以數千百房之子孫。而某所知者。僅若此。不亦悲夫。其外祖楊侍郎亦眉山人。當其盛時。不減諸史。而仕宦顯著者尤多。今外祖惟有孫一人。與某兄弟同寓江西。族人甚少。因所題族望。益重感慨云。

送集賢周南翁使天壇濟源序

先王之禮莫嚴於事天矣。國朝大德十年始雜采周漢唐宋儒者之說。爲壇於國南門外。曰圜立以祀天。嘗以大臣攝

事。國有大典禮當請命。則於是告焉。而竊聞祖宗之制。天子與后親祀天。必更服。服甚質。禮甚簡。執事者非世族。其先祖嘗與祀事者。不敢與。今道家方士之爲祀也。爲壇於其宮中。設祠具用。致上帝。治文書。檄凡鬼神。之可名者。以多爲貴。用其弟子行事。盡七日。若九日。乃成。然後範金爲龍形。負以玉刻符。凡二。一曰山簡。寘之名山深穴。一曰水簡。即大川沉之。曰將通信於上帝。蓋近沉瘞者云。至大四年辛亥四月壬寅朔。有旨命大長宮道家方士。用其法爲祠。既祠。將致其所謂簡者於天壇之山。濟水之瀆。而集賢周君南翁。寔受命以行君嘗事。上青宮爲文學之臣。天子事天尊神之禮。肇見於此。其尚克敬致之於戲。禮樂之制作。大備極大平之盛典。將在今日矣。使且復命。當受釐。用漢文召賈生故事。得使對從容論說。庶幾原理之本。推致其節。多宜而陳之也。夫

送彭德經歷韓君赴官序

木之為器以利民用者非生而成形也欲圓者取以為規欲方者取以為矩居者取以為屋室行者取以為舟車揉之為弧矢屈之為栝椽惟其有是材也因夫人之所急定之為器以致用焉人亦猶是矣其生也初未有士農賈吏之名儒墨名法之習也時有所尚則群趨之時尚黃老則趨黃老時尚申韓則趨申韓時尚儀秦則趨儀秦尚風節則有黨錮尚標致則多清談非生而然也時之所尚人之所趨則豪傑者必為之先故尚黃老則人材出黃老尚申韓則人材皆申韓尚儀秦則人材多儀秦黨錮之禍多奇節清談之流俱雅人非此數者之能為人材也豪傑者趨其所尚而表之然出乎其間矣 國朝之始定中原也其先離亂傷殘之日久矣老儒學士幾如晨星末之為繼而天下初定圖籍文書之府戶口

阨塞之數律令章程之故會期征役之當趨赴奉承之勞蓋必有足其用者焉而操它業者不得與於此也於是貴富之資公卿之選胥此焉出矣然則豪傑之士舍此奚進哉豪傑由是而進則名是業者沛然足以周當世之用也無疑矣迨者 聖上嘉尚儒孝而為儒者或以迂緩異儒取些笑嗟夫非儒者之不足用也儒之名久不振非有特立獨行之識量不足以究其至而世之所謂豪傑有貴富公卿之器以足用夫世者不肖有是名故也誠使一日表章之則向之所謂豪傑有貴富公卿之器以足用夫世者必折而從此矣果折而從乎此則其業之所講志之所存術之所操豈不益有可觀者哉故愚嘗以為人非生而有習業之專名也時尚有以駭之耳必也端其尚而正其趨使夫人繇經術道誼以達其才而廣其用則未必徒見表於書計便給而已也京師自昔稱

浩繁而今尤盛爲吏者素號精敏猶或不給然府總其大而
已身親治之者廼在所謂警巡便使之佐曰判官尤責任之
藪委者也衛輝韓君守敬自刑曹以明法成名來爲之恢
乎其有餘也政成選爲中都開寧尹又選爲彰德路總管府
經歷余嘗觀其材蓋練於事而敏於成功者也使贊畫諾於
臺省猶優爲之况一郡乎信乎人材之不徒見也余爲成均
博士時其子豫繇國子生選爲監學典籍從余且久君之適
相也來求序其事以徵詩於大夫君子能賦者必有以贊其
行矣延祐甲寅九月辛未虞某序

送蘇子寧北行詩序

士大夫出處貴乎知所重輕義命是也而人知者鮮矣是故
有合乎此者可不識哉和林城控制要害北邊重藩往時
朝廷歲出金繒布幣餼糧以實之轉輸之事月日相繼猶以

爲未足又指數倍之利募民入粟其中亦不可勝計由是遂
爲殷富又嘗有大臣鎮抚經理之安庶比於都會仕有不次
之擢賈有不貲之獲而僥倖之民爭趨之矣迹者一旦邊警
遽至非亡則隨喪失其所主守緩急無一可賴者何也人素
不知義不守法故也延祐丁巳真定蘇君自樞庭出長其幙
府受命之日不復內顧其家廷議壯之方是時使往者多憚
行使蘇君計其資非不足於美宦京師也然毅然當隆冬衝
犯寒雪遠出萬里無所避非所謂知重輕者乎蘇君昔從御
史按事北邊將竟其法或謂邊宜少寬假蘇君持之曰不可
遠人素無教漸不可長何得以苟徇免當使明知國法凡爲
臣子之義後不敢犯乃所以假之也予嘗聞其言而識之鄉
使後君往者皆持法守令其吏民知分義黑白豈至如今日
哉今此行其能有所設施矣或曰方無事時常人屢營其利少

值艱難則君子當之不亦偏乎予應之曰理固然矣且蘇君之志決矣第觀其還報成功于天子可也朝賢送之者皆以歌詩而蜀郡虞某爲之序

送李亨赴廣州教授詩序

明道先生嘗欲聚賢能於大學而教之使以分教天下此誠一道德以同風俗之成法也許文正公初教國子精擇名家高材者以爲伴讀如今翰林承旨姚公故按察副使白公彥隆其人皆傑然有以表襮於出于後伴讀之選拘於例然既受教國學歲久即以次出教外郡則庶幾明道先生之遺意而其效之淺深則又係諸其人非法之罪也番禺李生亨久學數年會同舍生歛者爲大常禮儀院判官得幸今上於東宮以生苦學薦擢爲伴讀二年得授廣州教授苦志敏學在國學之日久其所講明者固將推以行諸一郡也廣爲極

南一大都會昔者儒先人之轍迹猶有可識而其郡之人亦嘗有大名法節具見於世者幸毋以遠而忽之也官成而歸君子將有徵焉教授勉之矣將行之日自大司成以下皆有詩餞之博士虞某爲之序

送廉充赴浙西憲司照磨序

國朝建學之初以許文正公爲之師其弟子往二鉅公名卿才大夫也及門者猶藉其門得美仕至于今不絕國學既立人才由此出爲時用者相望也然特起驟爲大官者常因其族而不盡以諸生選而其人猶曰吾嘗受教國學云耳其由諸生選者三歲一貢貢凡六人其初受官上不過七品今天子即位始特詔歲貢六人而予官自六品以下皆有差於是取材甚急責效甚嚴矣臺臣體聖上之意察於諸生之中得廉生焉以爲浙西憲司屬生系出西方之貴族自平章

公以英材雄略清節重望事

世祖皇帝得以廉爲氏其子孫皆貴近顯用出入中外天下無不知者生之來學也其兄今中丞公嘗實與臺之長貳親致天子之命焉而生也不矜不揚退然就列執經問義歲無曠日友生服其敏師資許其通而生之名著矣此臺臣所以取而用之也然生之家世若此則生以貴官起人孰曰不可令憲幕八品官耳而君子樂道之者以其由諸生選而非常貢也以臺臣之取於諸生者前所未有也以生之族貴而得小官競然若弗勝無自足之容無不足之意也生之行其友皆歌以餞之而請序於僕僕曰子行矣及子之還君子曰是能不倍其學以無負於教育者則庶幾勉之哉

送李擴序

國家之置筆自許文正公文正以篤實之資得朱子數書於

南北未通之日讀而領會起敬起畏及被遇

世祖皇帝純乎儒者之道諸公所不及也

世祖皇帝聖明天縱深知儒術之大思有以變化其人而用

之以爲孝成於下而後進於上或疏遠未即自達莫若先取

侍御貴近之特異者使受教焉則效用立見故文正自中書

罷政爲之師是時風氣渾厚人材樸茂文正故表章朱子小

學一書以先之勤之以灑掃應對以折其外嚴之以出入游

息而養其中掇忠孝之大綱以立其本發禮法之微權以備

其用於是數十年彬彬然號稱名卿材大夫者皆其門人矣

嗚呼使國人知有聖賢之學而朱子之書得行於斯世者文

正之功甚大也文正沒國子監始立官府刻印章如典故其

爲之者大抵踵襲文正之成跡而已然余嘗觀其遺書文正

之於聖賢之道五經之學蓋所志甚重遠焉其門人之得於

文正者猶未足以盡文正之心也子夏曰君子之道孰先傳焉孰後傳焉程子曰聖賢教人有序非是先教以近者小者而不教之遠者大者也夫天下之理無窮而孝亦無窮也今日如此明日又如此止而不進非學也天下之理無由而可窮也故使文正復生於今日必有以發理義道德之蘊而大啓夫人心之精微天理之極致未必止如前日之法也而後之隨声附影者謂修詞申義爲玩物而從事於文章謂辯疑荅問爲躡美而始困其師長謂無猷爲爲涵養德性謂深中厚貌爲變化氣質是皆假美言以深護其短外以聾瞽天下之耳目內以蠱晦孝者之心思此上負國家下負天下之大者也而謂文正之孝果出於此乎近者吳先生之來爲監官也見 聖世休明而人材之多美也慨然思有以作新其人而學者翕然歸之大小如一於是先生之爲教也辯傳註之

得失而達群經之會同通儒先之戶牖以極先聖之闡奧推鬼神之用以窮物理之變察夫人之際以知經綸之本禮樂制作之具政刑因革之文考據援引博極古今各得其當而非夸多以穿鑿靈明通變不滯於物而未嘗析事理以爲二使孝者得有所據依以爲日用常行之地得有所標指以爲歸宿造詣之極噫近世以來未能或之先也惜夫在官未久而竟以病歸嗚呼文正与先生孝之所至非所敢知所敢言也然而皆聖賢之道則一也時与位不同而立教有先後者勢當然也至若用世之久速及人之淺深致效之遠近小大天也非人之所能爲也僕之爲孝官与先生先後而至孝者天資通塞不齊聞先生言或略解或不能尽解或暫解而旋失之或解而推去漸遠退而論集於僕僕皆得因其材而達先生之說焉先生雖歸祭酒刘公以端重正大臨其上監丞

齊君嚴條約以身先之故僕得以致其力焉未幾二公有他除近臣以先生薦於上而議者曰吳幼清陸氏之季也非朱子之季也不合於許氏之季不得爲國子師是將率天下而爲陸子靜矣遂罷其事嗚呼陸子豈易言哉彼又安知朱陸異同之所以然直妄言以欺世拒人耳是時僕亦孤立不可留未數月移病自免去鄧文原善之以司業召至會科詔行善之請改季法其言曰今皇上責成成均至切也而因循度日不惟疲庸者無所勸而英俊者摧敗無以見成效議不合亦投劾去於是紛然言吳先生不可鄧司業去而投劾爲矯激而僕之謗尤甚悲哉歸德李撫事吳先生最久先生之書皆得授而讀之先生又嘗使來授古文故於僕尤親近去年以國子生季今年有司用科季法依條試之中選將命以官間來謁曰比得官猶歲月間且歸故鄉治田畝益得溫其

舊事請一言以自警會僕將歸江南故略叙所見以授之使時觀之亦足以有所感而興起矣

送季完赴建德總管序

國朝右武而尚功將帥之家以世相繼下至部曲裨佐無異制也雖有知相之貴賢勞之著延賞各有分限不得而並焉昔在

世祖皇帝混一海內布爪牙于城於內外遐迹星列棋置聯絡相承定其武功統率之大小衆寡以次受職其子二孫二勿俾廢墜非有大故未有絕而不續者蓋與國家相爲無窮者也故後此者非有奇勲偉伐則未有能得與乎其間者矣噫國家之所以待之者不亦重乎國子楊思睿進曰吾今而後知武功之所以爲重也思睿之所 季完君之領軍江海之上竊以爲未足乃今而後信其所得之遠且久爲可

貴也君以金源之貴族事

武宗皇帝於潛藩以治文書為職事武宗憫其勤勞書其名封以金璽使樞府如而用之皇太后及

今上皇帝之在潛邸也以君屬樞府如武宗之旨皇慶二年始佩金符長千兵於懷孟之軍而鎮建德焉當武宗之龍飛一時被遇恩寵富貴赫奕熏灼天地者何可勝計可謂勝矣然或不能自艾者物理當然耳非上之恩意不足也君以十餘年之後始即軍事於外郡若不必為幸然久而傳之子孫可以無窮以彼視此所得果孰為多乎延祐初元之二三月近臣以君入見嘉禧殿聖上顧而念之若曰所佩金符故敝何以示遠人寵舊功更命尚方以新製者賜之天下之長千兵者多矣有府歲奏所當得者以百十數孰得此於盛明之朝也哉君賢而樂善其被遇固當異於常人也歎

請叙其言以遺之子曰人材者有國者之珙璧重寶也賢而樂善誠如君侯者其將傳所授於其後而以才能見用於顯要無難矣吾固將望之豈徒曰送之云乎

經世大典序錄

欽惟

欽天統聖至德誠功大文孝皇帝以上聖之資纂承大統聰明睿知度越古今至讓之誠格于上下重登大宝天命以凝於是闢延閣以端居守中心之至正慨念祖宗之基業旁觀載籍之傳聞思輯典章之大成以示治平之永則廼天曆二年冬有旨命奎章閣學士院翰林國史院參酌唐宋會要之體會粹國朝故實之文作為成書賜名皇朝經世大典明年二月以國史自有著述命閣學士專率其屬而為之大師丞相咨剌罕大平王臣燕帖木兒總監其事翰林李

士承旨大司徒臣阿隣帖木兒奎章大學士臣忽都魯篤爾
彌實奎章閣大學士中書右丞臣撒油奎章閣大學士大禧
宗禮使臣阿榮奎章閣承制學士僉樞密院事臣朵來並以
耆舊近臣習於國典任提調焉中書左丞臣張友諒御史中
丞臣趙由安等以省臺之重表率百官簡牘具來供給無匱
至於執筆纂脩則命奎章閣大學士中書平章政事臣趙世
延而武以臣虞集與學士院藝文監官屬分局脩撰又命禮
部尚書臣巖二擇文學儒士三十人給以筆札而繕寫之出
內府之鈔以充用是年四月十六日開局做六典之制分天
地春夏秋冬之別用國史之例別置蒙古局於其上尊國事
也其書悉取諸有司之掌故而脩飾潤色之備國語於爾雅
去吏牘之繁辭上送者無不備書遺亡者不敢擅補於是定
其篇目凡十篇曰君事四臣事六君臨天下名號最重作帝

號第一 祖宗勲業具在史策心之精微用言以宣詢諸故
老求諸紀載得其一二於千萬作帝訓第二風動天下莫大
於制誥作帝制第三太宗其本也藩服其支也作帝系第四
皆君事也蒙古局治之設官用人共理天下治其事者宜錄
其成故作治典第五疆理廣袤古昔未有人民貢賦國用係
焉作賦典第六安上治民莫重於禮朝廷郊廟損益可知作
禮典第七肇基建業至于混一告成有績垂遠有規作政典
第八刑政之設以輔禮樂仁厚為本明慎為要作憲典第九
六官之職工居一焉國財民力不可不慎作工典第十皆臣
事也以至順二年五月一日草具成書繕寫呈上臣集等皆
以空疎之系謬叨委屬之隆才識既凡見聞非廣或疎遠不
知於避忌或草茅不識於憂虞諒其具藁之誠實欲更求
是正踈略之罪所不敢逃竊觀唐會要始於麟是續於崔鉉至

宋王溥而後成書宋會要始於王洙續於王珪至汪大猷虞允之二百年間二脩三進竊惟祖宗之事業豈唐宋所可比方而國家萬年之基方源而未已今之所述粗立其綱乃若國初之舊文以至四方之續報更加搜訪以待增脩重惟纂述之初猷實出聖明之獨斷假之以歲月豐之以廩餉給之以官府之書勞之以諸司之宴禮意優渥聖謨孔彰而纂脩臣寮貪冒恩私不稱旨意下情兢惧之至惟陛下矜而恕之謹序

張師道文集序

蒙養先生文集若干卷者故翰林直學士嘉興張公諱伯淳字師道之所著也公少年時與吳興趙公子昂爲中表人物相望至元中子昂召拜兵部郎中而公用薦者言除閩憲慎馮者又言所薦非爲慎府求人也乃自海隅召至闕得見上

論事數十條皆當世急務辭意剴切上爲動容聽之命就中書與執政以次議舉行其一曰罷冗官方傑具其事而大官貴人已不悅曰何物遠人欲奪吾官使捷者候諸塗要詰之幾不得免而事已浸罷公遂留翰林大德中天子命近臣修時祀於嶽瀆必老成慎重者在遣中公以老病辭行久之遂不起至大延祐之間趙公受知聖明大見顯用而公已不及時論惜之自公之亡至于今二十有餘年中外大夫士多能誦公所爲世祖言者思見其議論而想其風采選乎幾就泯沒未嘗不爲之慨嘆也今其孫炯輯其文而傳之使來者知公之才雖不及盡用而可見者猶在於此此固孝子之心亦大夫士之意故爲序其端云

忠史序

忠史者番易揚玄所著也玄之大父死於宋咸淳末玄傷其

事不著於世故爲是書列夏商以來未至宋而止得以忠可
書者八百餘人泰定初元以其書來京師國史與學省皆是
之上送于朝有司不以聞凡三年不遇而歸且行來求一言
以爲識某曰於乎某嘗讀橫渠張子之書以爲事親猶事天
也著文以爲銘嗟乎事君亦猶是矣孔子謂子文忠矣未知
焉得仁而謂微子箕子比干爲仁而不及忠也然則非善事
天者其孰能與於此乎而古今之言忠或以一事自見槩可
謂之忠矣必仁也然後無慊於斯乎嘗嘗薦玄不報心竊愧
之姑推能忠之本原以廣其著述之意云耳

送憲部張樂明大夫使還海東詩序

高麗於國家有錫舅之好是以王國得建官擬于天朝他
屬國莫之敢也樂明爲憲部蓋秋官之長也故諸故實周有
大司寇魯亦有司寇夫何慊乎樂明以其君之命請善鑒于

尚方使事之間乃從士君子問文學以爲樂不亦善乎於其
還也歌詩以送之而傑題其卷首云昔箕子之以洪範告武
王也其疇九而政居其一焉政之爲目八而司寇居其一焉
範之所陳凡開物成務之故天人之際事理之通蓋無不備
焉刑也者有國家之所至慎重者也而僅及司寇之名者豈
無說乎吾聞之矣彝倫叙則九疇錫彝倫敷則天不畀之矣
彝倫叙矣則刑復何用哉雖然微夫有位則亦有言矣若曰
惟辟作福作威玉食臣無有作福作威玉食臣而有是凶害
隨之刑之措不措良系于此乎東方之國有箕子之遺教在
焉而樂明又任其司寇之事故予得以爲說而序之

易啓蒙類編序

朱子之論傳易者曰邵傳義畫程衍周經蓋欲求乎義文周
孔之易舍邵子程子之學則莫之能進矣朱子著易本義多

補塞程子之義又作易學啓蒙原圖書卦畫而先天之說可得而窺焉然獨怪夫邵子程子並生一時居甚近也道同出也年又不相遠也而叔子註易傳不聞與邵子有所講明而伯子嘗謂邵子之學爲加倍法後問之則又以爲忘之矣及聞其講風天小畜與天附地地附天之說廼歎曰嚮嘗聞此於茂叔矣噫豈非三君子之易學莫逆於心而無所問辨故無以傳聞于後世也歟是以朱子有易學啓蒙之書者蓋言蒙者之始末於易不可不自此而啓其端也某嘗竊學是書而未之有得及與今國子祭酒魯公同司業成均爲學者互相發明此書以爲教數年之後友朋之間亦獨聞魯公以此爲意而歎其不倦不厭也新安程疇以所著類編相示則蓋取朱子與門人平日之語有及於此者則彙而附焉予深嘆其知學於此也夫立言以著書則其辭精而約師友之問答則其言辨而博精而約者必深思而後得辨而博者則快然而通暢此善學者所以讀古人之書而使作今日耳聞者也疇年齒方壯其進未可量也又安得不歎美於此乎新安朱子之闕里也聞其山林之間猶有縉紳先生黃髮之士相與授受使遺言絕學猶有存者疇固多見之已乎某老矣得徜徉江湖之上尚當從疇求見其人而授教焉

送杜立夫歸西蜀序

天曆建元詔書播告中外天下翕然同心連順蜀帥以世臣宿將廼執狂悖阻險爲暴潼川杜熾首一布衣遠方書生能言國家統緒之正天命人心之歸在我今上皇帝明詔忠厚之至也省臣奈何迷不知復陷吾蜀以不義之名而致殺毒於無辜者哉遂被重罪其得不死者特幸免而已蜀事定省起杜生爲掾行御史臺與蜀憲交章論杜生事宜見表異

憲臺騰狀。朝廷未報也。社生以掾進奏京師事已。即西還。人或謂生少留朝議。必有處忠義先見之士者。生曰。吾以使事來。當歸報耳。不知其他也。嗚呼。君子之所為。惟其義之當而已矣。當慷慨論逆順。去就時。惟知義之所在。當如是耳。初。豈有假此望榮進之意哉。不然。非有肉食之奉。職事之繫也。而甘以七尺之身。自試於必死不測之危禍哉。今日之事。御史言之。朝廷知之。天下壯之。學士大夫。躡之。為杜生者可無憾也。忠義必見用。自繫朝廷。弗繫杜生矣。僕執筆太史。若生之事。敢軼而弗書乎。非特為鄉里之有生也。

送朱仁卿赴安慶教授序

國學之俊秀。與貴游。又處者。歲貢八人。於吏部前。四人。部補。令史後。四人。除郡教授。其自江南來者。各雖在前。不得補。吏。惟得為教授。習俗移人。樂吏之操權。而速化。以為重。不知教。

授之所繫。不輕也。趨走以事人。與專席以講學。孰尊尚書。侍郎書一札。呼而使之。與宰相命以。天子之勅者。孰貴。苟以為易進取也。教授未必盡沉淪。部吏未必皆顯達。然則教授。豈相薄哉。雖然是。猶以利害較也。明道先生。欲取天下之賢者。聚而教之。京師其學成也。則以分教天下。一道德而同風俗。其法莫若焉。今自。國家教之。而出一郡。其法良是已。而其效不然者。非法之罪也。其學也。脩己之道。或未盡其仕也。治人之道。初弗知。俛。然徒以苟且尺寸。豪末為意。宜其不足於教授之行。知學者之有感於斯言已乎。盱江朱仁卿。在上庠十餘年。師友所共愛敬。乃為安慶教授。來求一言。以為別。其在成均時。嘗書廳壁。記曰。今吾學之所講。其書。易詩。書。春秋。論語。大學。中庸。孟子。其道則堯舜禹湯。文武周公。孔子。所以明其道者。顏曾思孟。周程張邵。朱之言也。仁卿在此。

則遵是而學之往彼則循此而教之勿爲新奇以取名分爲
昏誕以徇俗賢而知者修此以善導之愚不肖者准此而
訂之使賢而知者據而立愚不肖有所化而改敦篤自
信既成又力行之三年宮成父兄子弟必有可望者慎勿自
薄爲也仁卿齒業俱進慮事甚周巽順勤敏其於事上接下
之密勾稽錢穀之嚴繕脩屋舍器物之備時人以其能者在
仁卿爲誅事故特舉所以爲教者爲仁卿言之噫亦嘗言耳
易曰君子思不出其位隨其所在而致力焉而已耳他非所
計也

送趙茂元序

百十年前吾蜀鄉先生之教學者自論語孟子易詩書春秋
禮記皆依古注疏句讀授之正經日三百字爲率若傳註史書
詞章之屬必盡其日力乃止率晨興至夜分不得休以爲常

持身以尚孝友惇忠信屬節義爲事其爲高左氏蘇子瞻
之說及稍長而後專得從於周程之學焉故其學者雖不曾
至博洽而亦無甚空疏及其用力於窮理正心之學則古聖
賢之書帝王之制度固已先著於胸中及得其要則觸類無
所不通矣此其大槩也集與舍弟未嘗與先君携之避地嶺
海諸書皆先親口授十歲至長沙始就外傳從祖父祕監公
必使求諸鄉人教之猶守此法也弱冠至臨川鄉人惟二人
在焉一人爲故宋樂安縣丞黃某子同縣人也江西帥臣黃
棄疾以臨川內附檄至樂安縣丞獨不肯傳檄者國人義而
不忍殺之去入深山中忍卧不至死教其子讀春秋而已其
一人故宋崇仁縣丞范大冷成都人幼時嘗及從學滄江書
塾中宋亡亦貧不仕時來與先君先舅語舉書傳常連卷
數千百言不遺一字天文地理律歷姓氏職官一問累千百

言不止先親當勗某曰讀書當如范公之傳立身當如黃公
之嚴斯言猶在耳也於是稍從侍側問鄉里文獻之在東南
者則知臨邛魏氏子孫在吳都眉山平舟楊氏在天台或在
武陵桂芝程氏在安吉學齋史氏在江陰同郡牟氏亦在安
吉集仕京師歷年遂多皆不能於此有所考問而士友之至
自蜀者從而問之則遺老舊書多不存矣不亦悲夫至治壬
戌集既免先君喪省墓吳門而趙君茂元在焉蓋與予皆眉
山楊氏之外孫也以楊氏之學論之平舟公爲朱氏張氏之
學以道學自任其議論政事必出於此而見山公與其弟吏
部公以春秋嘗爲太學師陳義甚正非特文學而已宋亡五
十年其門人學者皆盡諸舅氏亦已物故遺書存者無幾獨
茂元猶能有所誦而傳之庶幾遺風流韻之可見者乎至順
辛未茂元來調官京師急於親養乞遠方一廛微以去集知
焉則區區恭敬桑梓之微意也集老矣茂元尚有以勗予也
哉

送熊太古詩序

昔者周公孔子之爲教蓋莫大於禮焉千數百年以來其書
闕軟多矣漢儒即所聞而輟輯之因所言傳會之先王制作
之緒餘賴其記載而有可知者亦不可誣也伊洛諸君子因
遺言而得其心發真識以廣其義行焉而安乎其躬道焉而
信乎其人學者得以推見三代之上豈不盛哉昔橫渠張子
與兩程子並起一時張子專以執禮佐持敬之教可遵而行
也世俗之弊樂放肆而忽檢束之常徂見聞而失性情之正

迂鄙其行事而莫肯從繁厭其緒言而不知講於是綱淪而
法斁所由來之漸吁可畏哉豫章先生獨知憂之因進士之
設科嘒斯經之辨學其意遠矣先生之子太古承遺訓於指
授又力究之有年儒林望之為日久矣薦書來上乃弗偶焉
非惟朝之學士大夫縉紳先生惜之雖王司與偕貢之士亦
莫不共惜之也夫學古者言淡而意深固不足以逞夫銜鬻
之場多識而持援亦不足以較夫涉獵之次抱器善藏夫何
慊哉於是僕與一二同志欲相率而留之太古曰不可如是
則有所不安者矣故作詩以送之其辭曰風從閩闔興花向
上陽開白日如逝波遲子殊未來兩雪載遠道十生獻其寶
駕之千金車藉以五色練意重翻成失棄捐將奈何先哲猶
待賈歸哉聊永歌

道園學古錄卷之五

道園學古錄卷之六

在朝彙六

序

雍虞集伯生

國子監後圃賞梨花樂府序

至大庚戌之仲春大成殿登歌樂成時兩適至我司業先生
樂雅樂之復古顧甘澤之及時於是乎賦喜雨之詩推本歸
功於成均之和迺三月辛巳國子監後圃梨花盛開先生率
僚吏席林臺之上尊有醴盤有蔬肴載雜陳勸酬交錯飲且
半命能琴者作古操一闋禽鳥翔舞雲風低迴先生於是歌
木蘭之引以寓斯文之至樂而泳聖澤之無窮也明日僚友
酌酒而賡之又明日諸生之長酌酒而賡之氣和辭暢洋洋
乎盛哉虞某起言曰古之教者必以樂故感其心也深而成
其德也易命大夫者猶與之登高賦詩而觀其能否茲事不

聞父矣今吾師友僚佐乃得以講誦之暇從容誅歌底幾乎樂而不淫者亦成均之義也命弟子緝錄爲卷以貽諸好事可覽觀焉謹序

贈何明之序

中山何君以醫道行乎京師求視病發藥者足相踵於門旦暮不絕何君嘗以病緩急爲先后不徇貴富不棄貧賤與藥當病不計其貲之高下故人多趨之衣服幣帛貨具至於車馬之餽常々而至君亦不甚經意也國子伴讀李生病寒熱日且久不解衆謀可以起其疾者咸推君焉於是得何君治如法良愈生同舍爲倒橐中餘貲以謝君曰子去家遠姑俟他日及生歸復來又致所以謝則又却之曰書生無爲事此生思所以答何君者來請叙其事求歌詩於名筆以道之嗟夫名與實對義與利反今何君之爲醫也不區々於一簪之獲而以活人爲心其度越等儕遠矣誠有其實雖無文字之傳猶將見稱於當世况君子知其實而樂道其事者乎吾知何君之道章矣

李仲淵詩序

集賢直學士李君仲淵自錄其五言詩而題之宗雅觀其製名則其所以自喻者可得而知矣五言之道近世幾絕數十年來人稱涿郡盧公故仲淵自序亦屬意盧公然仲淵來朝廷爲學士而盧公去世已久獨吳興趙公深知之至以爲上接蘇州吳興博古通藝精詣入神兼古人之能事者多矣而獨常吟諷其詩每欲以詩人自稱而天下亦信其誠有不可及者迺獨推公若此信知言哉某嘗以爲世道有升降風氣有盛衰而文采隨之其辭平和而意深長者大抵皆盛世之音也其不然者則其人有太過人而不係於時者也善夫袁

伯長甫之言曰雅頌者朝廷之間公卿大夫之言也其聞之矣君子之德風也小人之德草也草上之風必偃觀宗雅者可以觀德於當世矣夫

本德齋送別進士周東揚赴零陵縣丞詩序

至治辛酉富州周君東揚登進士第授零陵丞十月將之官其州人熊君昶之尉崇仁實予寓邑也爲之言曰君之行送之者歌詩凡數百篇天慵熊先生序之又百餘篇曰本德齋詩者州人之嘗從君者所賦也屬其序之夫門人弟子之於其師也聞其議論觀其容色而習其傳授也久矣其未見者施之准官臨民者也今又將親見之則其期望視則者宜其異於他人哉別爲卷而表之宜矣某聞之延祐初天子慨然思見儒者之治命執政講求取士之法執政者退而與廷臣議焉曰唐宋科舉之制先朝議論常及之蓋周人鄉舉里

選之遺地爲可盡得天下之士乎固不敢必以爲不足以得天下之士乎則昔之大賢君子胥此焉出其弊者尚文之過也今爲是宰者本之德行以觀其素求之經季以觀其文博之以文藝以觀其華策之以政事以觀其用通此其庶幾矣而或者以爲此四者自古之人據其一已足名世今欲兼之不亦難乎是不知本出一原体用無二致也於是天子特出睿見獨斷而行之其宵旰望之之志深矣縉紳先生之言曰吾黨之士何以報上哉蓋企而望之伏而歎焉嗟乎其有以當上意矣初君與子弟仲常同登進士而有司竟失君於乎上下之屬望豈不欲少見善治善教於天下哉夫世之言官者大抵各極其才智之所能至耳未有出於宰者也今朝廷之初議若此宜必有豪傑之士自此出矣然而進士之見用爲吏者或忌之或容之且以積歲月進分寸者視進士

一日之易常情固不能無忌或曰是儒者新進宜於吏治有所不知姑容之姑容之夫忌者未必非進德之礪而君子安有受容於人而莫之恥乎顧方強曲雖足以效夫常人之所能而未能也略不少見儒者之效則亦豈所望者哉雖然此衆人之言云耳殆未足以知君子之所爲也未德齊詩者師友相與之言在焉予故得極其說不自知其言之過也君子亦亮之否乎零陵永附城也昔我先大父開國府君嘗守求今餘六十年矣豈無父老之子孫猶識其遺治者哉而山石之間登覽題詠之蹟尚多有之周君佐理之暇時出游以自適或有見焉願歸以告其也

安敬仲文集序

默庵集著詩文凡若干篇檠城安君敬仲之所作其門人趙郡蘇天爵之所緝錄者也既繕焉乃來告曰昔零城劉靜脩

先生得朱子之書於江西則以之邇乎周程呂張之傳以求達夫論語大學中庸孟子之說古所謂聞而知之者此其人歟聞其風而慕焉者敬仲也與靜脩之居間數百里耳然而未嘗見焉徒因其門人烏叔備承問其說以爲學則是敬仲之於靜脩蓋亦聞而知之者乎願序而傳焉嗟乎知之爲知有未易一槩言者聖賢之道大矣世多豪傑能因其才識之所至而知其所及者其人豈易得哉昔者天下方一朔南會同縉紳先生固有得朱子之書而尊信表章之者今其言衣被四海家藏而人道之其功固不細矣而靜脩之言曰老氏者以術欺世而自免者也陰用其說者莫不以一身之利害而節量天下之休戚其終必至於誤國而害民然而特立於萬物之表而不受其責焉而自以孔孟之時義程朱之名理自居而人莫知奪之也觀其考察於異端幾微之辨其精如

此則其下視一世之苟且汙濁者不啻蟻蟻之細犬彘之穢豈不信然敬仲氏終身師慕之則其所見何可量哉然靜脩門人嘗有與予同爲國學官者從問其師說不予告也退而求諸其書見其告先聖文曰早因躁狂若將有志中實脆屈未立已頽揆厥無成實由貪懦時馳意去凜不自容顧念初心况焉如失觀乎此言則靜脩道德之所至可見矣噫吾道之大豈委靡不振鹵莽依托者所可竊假於斯哉其必有振世之豪傑而後可也以予觀于 國朝混一之初北方之學者高明堅勇孰有過於靜脩者哉誠使天假之年遜志以優入不然使得親炙朱子以極其變化充擴之妙則所以發揮斯文者當不止是哉又嘗求敬仲於其書矣其告先聖文曰追憶舊聞卒究前業洒掃應對謹行信言餘力學文窮理盡性循之有序發軔聖途以存諸心以行諸已以及於物以化

於鄉然則敬仲得於朱子之端緒平實切密何可及也誠獲得見靜脩耶之以高明厲之以奮發則劉氏之學不既言曰於時矣乎惜乎靜脩既不見朱子而敬仲又不獲親於靜脩一君子者皆未中壽而卒豈非天乎予與敬仲年相若也少則持未成之學以出及粗聞用力之要而氣向衰凜然有不及之歎視敬仲之蚤有譽於當世寧無慨然者乎若蘇生之奉於其師之遺書如此益可見其取友之端矣是皆予之所敬畏而感發者故題以爲序

題尹先生壽詩序

君子有耆年而居其鄉者抵寒暖之節以適其體治甘旨之具而備其養調其容色聲氣必循於禮以樂其心志則其子孫共之矣居焉而莫敢並行焉而莫敢先則其鄉人子弟能及之矣有容焉仰之以爲表有言焉受之以爲教奉之而不

敢忽敬之而不敢違溫詔以問之束帛以禮之則縣官有司
能具之矣至若道其黃髮兒齒之異詠其耆艾康強之美倡焉
而酬之宣焉而收之律呂之相和金玉之相應可以被之絃
歌施之宴享予以推天地至和之委予以贊 國家涵煦之
深予以明鄉里風俗之厚予以見德齒久盛之美因以知時
和歲豐庶物阜多人得備養則非賢人君子不能已吾於會
川尹先生伯仲之爲壽也見之先生伯仲同年月日生延祐
己未之歲皆八十矣正月一日其生之日也其子孫族人昆
弟姻戚鄉黨將以是日爲酒饌合樂高會以慶之事聞京師
大夫士之賢且仁者皆嘆而美之曰是豈獨尹氏之福會川
之榮乎蓋 聖上盛德之所致而大平之明徵也乃相與歌
而誄之可傳而觀者如此嗚呼盛哉雖然今日地大物衆古
所未有也德厚仁溥歷代之所莫及也然則海宇之內田里

之間以八表識其甲子者豈止兩尹先生而已乎而誄歌若
是其盛者何也昔周之時有伯達伯适仲突仲忽叔夜叔夏
季隨季騮者傳以爲其母四乳而八君子者生焉聖人嘆其
生賢之多也故頌言之而門人弟子識之夫盛氣之生物也
觀夫動植之類蓋有並生而駢育者矣然或不能以兩大或
不能以兩久理固然矣一以名顯於昔一以壽著於今而其
生也適皆以同乳見異不謂之異不可也以名顯者見稱於
聖人見錄於傳記以壽著者見之詠歌采之史氏一時之雅
不亦宜乎然而兩尹先生之生也天也其壽也亦天也非人
之所能爲也而兩尹先生之敦行孝義友愛敬讓子孫順焉
鄉里化焉則其所以致此者抑又有由矣尚論耆年盛德者
蓋亦觀諸兩尹先生可也先生之孫侍書王郎嘗與予游故
爲之序

送李仲淵雲南廉訪使序

延祐五年六月翰林直學士李公仲淵除雲南肅政廉訪使
十二月二十有八日乘驛騎五出國門西去明日還書京師
告諸執政臺閣侍從之臣文學之士常所從游者曰區區萬
里之行每為諸公貴游平昔愛厚分當言別蓋難為別亦不
忍別也請亮其悽之誠幸甚嗟夫朝廷豈棄君於蠻夷
哉雲南之域

世祖皇帝親征而服之者也土庶物衆幾比內地常以親王
重臣填之五六十一年之間晏不敢動間或小不靖非惟其人
性情則然亦有司亡狀失撫綏之故也且以其遠常不知其
微而慎之每至於著而難也聖天子在御內外宴安寧輟
文儒於禁近不遠萬里持一節以往者將使其人知朝廷
不鄙夷之二意而允仕於其地樂邊鄙之野陋頑鈍者亦少

見天子近臣之表儀文章有以歆羨而慕效也幾微之旨
其亦出諸此乎然則君子之雅志本朝固不忍一日遠之也
誠知其意若是則何為是栖二者歟某也聞之古者君之遣
使臣也則賦皇者華其辭曰說征夫每懷靡及勞其
來也則歌四牡其辭曰豈不懷歸是用作歌夫雅者公卿大
夫之言也敢請述光華之意以遺之使下國之人知使者
之來朝廷禮意有加於古昔速其歸也則又述其有功見
知而陳之以備一代之盛典不亦宜乎

魏氏請建鶴山書院序

集適吳臨邛魏氏之在吳者曰起謂某言曰欽惟延祐制
書周元公以次九君子者皆從祀先聖孔子之廟起讀而
感焉昔我曾大父文靖公在先宋時轉運潼川嘗拜疏于
朝乞與周張二程錫爵定謚從祀廟學所定謚今元純正誠

是也豈意易代遭逢聖明從祀之典迺如其志於百年之後
是固天理之當然因時而見豈獨先文靖一人之私也起所
思念者先文靖之

緒而亂離以來其門生學

者死亡已盡無能有所發明而起生晚而力薄先世墜緒不
絕如髮此所以朝夕兢懼如履春冰而憑秋濤也昔文靖之
歸臨邛即白鶴山築屋聚書會友講習四方謂之鶴山先生
及謫居靖州七年從學者益衆又爲鶴山書院於文靖在政
府理宗親書扁賜之今周程朱張之所經歷與其門人弟子
及爲是學者凡有遺蹟皆立學官我先文靖奮起西南不後
於諸君子而未有專祠建學於今日者則我後之人無所肖
似者然也今臨邛故居葬爲茂亮而文靖之所在且亦無幾
文靖實葬于吳即吳而祠之不亦可乎起將告于有司上請
于朝以先人之居分藉在已者規以爲鶴山書院請得與

明師良友講求其所傳學子以爲何如其對曰朝廷文治

日新大夫士非正學弗學也若子之志豈謂家傑之士將助

成之朝廷有司固將躉之而天亦且相之也昔我先大父

利州府君親以丞相孫講學滄江之上時則有若資中趙希

光昱成都范文叔仲輔李才孫少才子長少約子該豫章李

思永脩己延平張子真士佐漢嘉薩仲章陵陽程叔達遇

孫李微之心傳貫之道傳唐安宋正仲德之漢嘉鄧元卿諫

從相爲師友而文靖公以高科顯官亦來定交悉去記誦詞

章之習切劘相長以究極聖賢之旨要吾蜀之士盡知伊洛

之淵源則我曾大父與文靖公實發揮之也我曾大父建學

簡州文靖公爲之記曰所謂教者曠諸天地萬物之奧而父

子夫婦之常不能違也驗諸日用飲食之近而鬼神陰陽之

微不能外也近思反求精體熟玩期不失其本心焉我曾大

父曰子言即予言也其志同道合如此子以霜降水涸之餘
知脫落九近俗習而歸求於此庶其志之有成也其雖不敏
尚願誦所聞於父兄者以與其子弟從事乎一家之家學幸
名世之君子有以終教之也

兩尹先生慶九十壽詩序

會川兩尹先生伯仲同以己亥歲正月一日生至今泰定丁
卯皆九十矣而彊健聰明二翁如一其二季亦各八十餘昆
弟之子總九人諸孫十八人曾孫十數人家庭之間慈孝愛
敬藹如也丞相長史澄伯氏之孫也來語某曰昔翁之歲八
十也子嘗序其事以啟群公之賦詠當時榮之至今傳焉今
茲又十稔矣起居飲食不減於昔年朔旦之吉子孫親戚間
里舉酒爲壽自州郡長吏與大夫士之家居者父老幼稚咸
集莫不歆慕而頌禱焉誠不可以無述予爲我復爲之可乎

集曰昔之壽朋見詠於詩人久矣其後或相與高隱於深山
之中而精神風采足以聳動乎 朝廷或名遂身退於既老
之日而盛德雅望足以敦厚其風俗者在信史見乎詠歌以
爲一代之盛美者人 知之然而其人不必出於一家其生
未必同於一日則尹氏之異可不重紀乎且夫太平之世物
有盛而異者焉矣若嘉禾之同穎瑞木之連枝世猶或喜傳
而樂道之况尹氏之人瑞乎且夫和氣之應而瑞嘉生焉人
物固無以大相遠也然而草木之偶見於年歲之間者其可
與生人之盛同日而語乎吾嘗上溯二翁始生之年國家方
得中原未數歲也甲兵未盡息呻吟未盡起也而渾厚純固
之氣已潛復於摧傷零落之餘其見於人物之生者已有若
二翁之盛身受安樂共養以觀乎 列聖百年之治平謂之
偶然可乎噫觀物者常因生人之盛而推考太平之始則必

自斯翁矣善頌者常自一家之善而推本。聖代之昌亦必自斯翁矣其也屬書東觀敢不具錄乎

送曹遠序

泰定乙丑秋南陽先生字木魯公拜汴省郎中其子遠自京師往省來微言焉謹告之曰古今學者苟有志於斯文則必羸糧治筴違親戚去鄉井求明師而從之道途不敢計遠近歲月不敢論久速期於業成而後已猶有遇不遇之不可必焉蓋亦勞且難矣今吾子之嚴君天下之碩師也講明問辨不待出勤於外傳觀瞻倣則不必近越乎戶限何其幸與昔予與公並於成均也日進諸生於一堂之上而誨之更互倡和以發明聖經賢傳之指歸不極於至當不止也當是時豈惟學者有所放發雖以區區之不敏亦得其退過進不及之助焉然而不能久者天也吾是以知吾子之歸求而有餘也

吳張高風圖序

夫識察於動容周旋之間考析於言語文字之表視則之法也慎之於日用常行之微徵之以前言往行之實用力之地也以是事親日求所未知未能而求必盡其職分焉所以歸求者如此吾子勉之

泰定二年春翰林學士臨川先生吳公移疾假寓南城天寶宮之別館宮中之人因爲先生言其教之因起與今第九代掌教玄應張真人之制行堅白也先生曰世乃有斯人耶乃盡出真人家世鄉里苦節高行孝慈之迹神明之異求先生爲文先生言而天下後世信之未嘗有不試之譽也獨於真人欣然命筆具道其所立之難所至之峻也且有倣於時俗者焉他日病愈返乎史館思真人之爲人乘輿巾車從以門生兒子即天寶而見焉及門童子辭曰真人深居至靜自中

朝貴人大官至者未嘗敢以報先生勿訝也先生顧謂從者曰是其人視走高門縣簿唯恐失一夫者有間矣即命迴車蓋不唯不以爲忤而更歎重其不可及自是夏多雨潦規再往未能也而真人曰秋氣且清吾不可不往謁吳先生因著芒屨戴臺笠策木杖布褐短才至藤從弟子一人服亦如之步至國史院門上馬石上踞坐弟子告閤人曰真大道張真人上謁吳學士閤人相顧嘻曰他日見真人者至容服不若是疑不爲通而先生方脩實錄與同官坐堂上不知也先生之子偶出門見而識之進問真人何來真人曰吳學士子耶以杖畫地作誠字示之曰還語若翁吾來報謁先生聞之亟出見真人去矣獨地上字畫在耳咨嗟久之使追及於麗正門南二里所長歌徐行音韻清暢上出林表追者不敢致辭而返好事者高二公之風畫爲圖以傳觀而托僕叙其事如

此或曰昔孟子與南華翁生並出而未嘗相見二子之書具在莊氏之辯莫或嬰其鋒者惜乎其不見孟子也今吳張實相知又相求而卒不相遇遂無一言可以發其蘊者其何以一道德乎僕曰觀其風致而思過半矣何言之待乎子必以其言求之乎僕試論其行矣君子之學以不欺爲要有志於慎獨者果能堅制峻卓如真人之道行者乎吳先生蓋累千百言刻之金石可考也真人畫地之字蓋子思孟子之言也有能因此而真知歸求者則真人之一字不爲少也吾又聞真人系出橫渠其精思力踐殆有自耶則又有僕不能知者

送翰林編脩王在中奉祠西嶽序

國史王君在中之奉祠西山川也同館之士爲賦詩以餞之多道祈年之事者侍講曹公序之曰古者天子有事四岳蓋考制度一風俗焉望秩其一也今歲遣使禮祠脩持事必曰

祈也將神明可以干福乎或者疑二說之同異而問諸某某
曰皆是也史館諸君子誠見 皇上處太平之盛據中和之
會然猶宵衣旰食思致斯民不忍一夫不獲被其澤者是以
四方水旱之沴有司不敢伏宰相不敢忽也必以聞而拯之
此所以偏舉於祈年也蓋仁之事也曹公嘗位大宗伯爲
朝廷大儒老臣深練治道知夫奇衰之萌乘 上意所鄉矯
誣禳禱之方紛然日至以蠹財而焚聽殆不勝言故深憂之
而爲是端本之言者智之事也思兼仁智之說其使者之道
已乎夫祠使之遣自中統至元以來五六十年矣民間習聞
之方獻歲發春吏民必盼々然望之曰 天子之使其將至
乎庶幾有以撫吾人也祠事畢使者宜止車褰帷慰問父老
以宣 上德意而察其隱微鬱塞以待顧問之萬一豈非其
事乎且井雍之境素以勤儉善年而比以歉告有不忍聞者

凡所以佐吾民之術而上之人容有未盡知者可咨詢而得
之乎吾蜀以羅兵之久山谷故郡縣之地多閒田敏勸四方
之民趨而至者以萬計宜及此時節制均定以輯撫之使
善良有所養而強黠有所檢以爲他日之慮久遠之計亦有
說乎凡此之類皆仁智兼盡之意也不然 乘之使誰不可
行而有待於在中又有徵於曹公與諸君子之言乎

孔林廟學新設管勾簡西碧之任詩序

昔者禮樂之器嘗蓋備有之是以聖人於老聃有問焉於師
襄有問焉始仕於魯而與祭於廟也又每事問焉當是時雖
曰禮壞樂崩而有官守者尚執其執事而不敢廢也故曾子
曰簞豆之事則有司存焉明器物事爲之有可徵也去古益
遠雖有司之末亦亡絕無餘矣而猶欲以爲非君子之所重
可乎成均嘗設管勾主廟學禮器祭衣之屬致和之元孔林

亦放而設是以吾間君始爲之君子善官守之復古而選擇
之得人也多賦詩遺之而求予序焉乃爲之言曰嗚呼聖帝
明王之制作猶可見於今者則吾夫子之所刪定贊述而存
者而所謂器物事爲者亦其具也前三十年導江張達善民
嘗爲孔林之師固嘗發明斯道之大以迪其人矣所謂器物
事爲者初不廢也今簡君往治其有司之事尚善其職守則
君子又將因夫器物事爲之存者而徵焉道固不外是也或
因本而及末或即粗而得精沿邇並行不悖不益可乎張先
生吾蜀人某外祖氏之門人也簡亦吾蜀人故得盡吾言焉
而非私也

隴右王汪氏世家勲德錄序

國家龍興朔漠威行萬方金源日蹙吏士守者或降或死且
盡不能成軍山東西之間豪傑並起據保城壁大抵赤金署

置之舊隴右鞏昌汪氏據高制遠統郡縣數十勝兵數萬號
曰便宜都總帥柵石門爲金守者三世及我兵攻鞏昌則金
亡已二世矣汪氏猶不忍降其士大夫皆曰君死國亡民將
安歸乃縞素爲金發喪登陴哭三日因 皇子濶端以自歸
太宗皇帝察其誠仍以爲便宜都總帥鎮故地取蜀之役資
糧甲兵之賦終始畢給功多之紀他將鮮儼焉此諱世顯者
所以封隴右王也王有子八人孫十有九人多居將相官封
公者已八人傳五世兄弟子孫百八十餘人總軍鞏昌者旣
世其職餘多大官尤顯者今御史中丞壽昌也其兄成都萬
戶嗣昌曰世荷 國恩功業在盟府褒卹有制詔世次具譜
牒行事歲月則先塋家廟之碑文在請輯錄刻模以傳于世
諡諸太史太史虞某曰予觀于功臣之家以世業躋融者固
多得統其軍世守其地者惟汪氏或曰道家忌三世爲將汪

氏之德必有大過人者其言信歟予固以爲汪氏先人事故
主無憾見信 國家非他人所得而及也歟

送祠天妃兩使者序

世祖皇帝歲運江南粟以實京師漕渠孔艱有人有獻策航
海道便以疾久之人益得善道于今五十年運積至數百萬
石以爲常京師官府衆多吏民游食者至不可筭數而食有
餘賈常平者海運之力也天曆二年漕吏或自用不聽舟師
言趨發遠風信舟出洋已有告敗者及達京師會不至者蓋
七十萬 天子憫之復溺者家至載之 明詔廷臣恐懼思
所以答 上意或曰有神曰天妃廟食海上舟師委輸吏必
禱焉有奇應將祀事有弗虔者與宜往祠有勅翰林直學士
本雅實理藝文太監宋本其行嗚呼二公能導 上意致誠
敬已事而竣周覽其形勢風俗而觀其政治之得失亦有可

言者乎往年某嘗適吳見大吏發海運問諸吳人則有告者
曰富家大舟受粟多得傭直甚厚半實以私貨取利尤夥器
壯而人敏常善達有不願者若中產之家輒賄吏求免究轉
期迫輒執畸貧而使之舟惡吏人賂其傭直工徒用器食卒
取其授粟必在險遠又不得善粟其舟出輒敗蓋其罪有所
在矣今日之事此其一端乎近歲大農以乏用告會議廷中
各陳裕財之說有獻議曰 國家方取江南用兵資糧悉出
於中原而民力不至之絕及盡得宋地貢賦與凡貨財之供
日輸月運無有窮已而國計弗裕者上不節用而下多惰農
故也且京師之東崔葦之澤賓海而南者廣袤相乘可千數
百里潮淤肥沃實甚宜稻用浙閩隄圩之法則皆良田也宜
使清彊有智術之吏稍寬假之量給牛種農具召募耕者而
素部分之期成功而後稅因重其吏秩以爲之長又可收游

情弭盜賊而疆實畿甸之東鄙如此則其便宜又不止如海
運者奈何獨使東南之人竭力以耕盡地而取而使之歲蹈
不測之淵於無窮乎時宰以爲迂而止宋公家京師既首廷
對未嘗一日去 朝廷歷丞相御史府爲名法從參預國事
而學士嘗以使得指出南詔西南降蠻夷部落所謂大小徹里
者方數千里引其酋長入見才與其從者數十人俱無一兵
一財之費二公之重且賢如此旨意其有所在乎不然禱祠
之官豈無其人而以屬之二公乎故同朝皆爲之賦詩而某
爲之序

詔使禱雨詩序

陝右比歲以旱饑告縣官出粟與財省賦已責以振之而不
能秣力田者布種於土而曠燥弗生督轂並竭商賈去歲
國家有大正於通詩宿愼守者迷去效之宜神怒人怨天不

悔禍及計窮歸服而吾民之病日深矣居者瘡殍行者道殣
存者十二三 天子爲選大吏治行省臺出大農之帑鉅萬
者數而雨終不降人無生意於是行省臺之臣使人入告于
朝曰 天子幸念疲甍使臣等奉宣 德意旣竭駑鈍奈神
不舉而靈貺弗臻意者 天子使專使持玉幣以禮其山川
庶有濟乎宰相即日以聞 天子愀然以興曰孰能稱朕使
者於是翰林直學士普顏實立以誠懇精敏將命直指乃四
月己亥受 旨幄殿陰雲低回彤鬋孔迹學士乃召驛傳謹
齋戒不留宿于家乙卯祀西嶽五月丁巳朔雲電雷雨大作
辛酉與行省臺臣共禱于城中之群祀壬戌與左丞亦憐真
禱於太一元君廟即大雨其日又詣高山太白峽靈湫廟湫
在絕頂峽隘石險炎暘喘汗牽掖僅至親致 上命下即祠
官幾數十里祠故唐作積蕪不治墻毀瓦墮妥歆無所祠者

俟命門下上無庇蓋跼蹐中夜並見雲興于湫頃而滂合明日又禱大澍連日於是東自陝州西至鳳翔南達興元北暨鞏昌皆來告足甲戌至鳳翔與憲使郡守祀於雅臘螽神之廟雅臘蠻者高昌部大山有神高昌人留關中者移祀於此云既祠又雨丁丑祀西鎮之吳嶽亦雨竣事乃還而隴陝之間田苗淳興瓜蔓有實稍有廬廡而守者下車詢咨則曰宿種在土得雨始萌壅埴日滋是以怒長苗秀且實而瓜瓞可食矣由是疾疫頓愈而流移未遠者漸克來歸七月辛酉復命于上都行省臺各遣使入奏如其言而學士以其副致國史予得而觀焉嗚呼天豈不念斯民哉彼旱饑至於斯極者誰實爲之 聖神一念之發使者將 命之謹而效應如此逆順誠僞之辨可不察乎故備書之與吾黨之士詠歌焉

國子監學題名序

世祖皇帝至元二十四年置國子監學以孔子之道教近侍國人士弟公卿大夫士之子俊秀之士其書易詩春秋禮記論語大學中庸孟子其說則周程張朱氏之傳也監有祭酒一人比立監先置此官許文正公衡首爲之司業二人監丞一人後又置典簿一人治文書金穀學有博士二人助教二人後增置六人其下設正二人錄二人司樂一人典籍二人管勾一人以高第弟子充秩滿則官之弟子員今五百六十八人天曆二年始克追考祭酒至助教姓名歲月刻石來者尚繼之俾後有所徵三月甲子序

送江西行省全平章詩序

詩不云乎顯之昂之如圭如璋令聞令望庶弟君子四方爲綱何其善言君子乎鳳凰麒麟非所以資服乘也醴泉朱草非所以適飢渴也然而一日至焉山川爲之春涵草木爲之

玉潤蓋天生神物，粟乎冲和之至，自然有所達，無所事乎用力也。今平章全公名臣世家，高情雅節，至正而不厲，至明而不察，達乎事物之變，而不屑於言，究乎天人之緼，而不滯於迹，淵乎其有道，充乎其有容，氣完而不忤於物，接用大而力竭矣。天子慨然，輟公於親密之地，以往填之，吾民其庶幾乎豫章之流湯，匡廬之雲蒼，公超然有意於其間乎？君子來朝，其旂旆之爲聲，噦之請得與都人士共候焉。

送李道濟之官吏陵詩序

東觀古稱蓬萊道，山今尤爲清華高簡。予與今禮部康公子山尚書在館時，新進士六七十人爲之僚，道濟以文學署掾。一時雍容蕭散，非特人羨之，諸君子亦自以爲樂也。未年歲間，各迂官散去，掾獨留館數年，始得官吏陵幕來徵文爲別。吾

聞州小而地僻，民溥而事少，魚米筍菜可以奉甘旨，江雲峽雨可以極游覽。蓋樂不在館閣之下，昔子之鄉先生六一公嘗令夷陵，欲借書觀之而不可得，乃從故府取吏牘而徧閱之。於是周知情偽，備察姦利，諺欺之故，悵然以爲深憾。後公爲政治郡，輒有大過人者，及代包孝肅公尹，開封清簡平易，乃有過於包公者，則夷陵閱牘之功，有以增益之也。天下未見書其盛於東，觀道濟既得讀之，累年今之夷陵吏牘固其職，尚毋鄙其事而盡心焉。鄉先生之芳躅，不亦可度幾乎？

送達溥化兼善赴南臺御史詩序

古人有言：朝廷天下之事，宰相可行之，臺諫可言之，行者或不無牽制而言者庶幾得以盡心焉。非其位不得言，得其位或不足於言，故世以爲難也。兼善以先朝進士第一入事，今上天子于奎章之閣，一日輟以爲行臺御史，此所謂得言

之位可言之時能言之人者乎予聞之事有大小緩急之異小而急者驟言之大而緩者深言之而又有大且急者如東南水旱頻仍民力凋耗賦用不給者乎吾意兼善受命之日念故已在此矣醫之爲病也知證易用藥難藥具矣而病家用不用服不服又有不可知者而醫不敢盡其技 聖天子在上視民如傷當宁以思無言不從無諫不入兼善在閣下朝夕之所見者也使數千里之遠如在旒旒之下非兼善吾誰望乎諸賢賦詩贈之虞集爲之序

送進士劉楨序

今歲吾蜀與計偕者五士皆以鄉里來見既退必客有留爲予言者曰五士皆美才如木向春唯年最少者二人若後然皆佳士次二坐者家必有陰德予漫聽之不以爲意及南宮奏進士名果三人先登次二坐者昌州劉楨維周也及登第

始克問其鄉里氏族家世父兄所治業乃知劉氏世春秋學避兵瀘州因家焉鄉人爲言劉氏之遷瀘二十餘口及避兵唯字德甫者獨存有子女二人城破子女俱失父之得其二子德甫夫婦念其一女尤切次子善卿思解其親憂行四方求之知爲楊將所得又轉之文豪屋百計不可得無以悅親心不遑寧處善卿子偶至成都聞文亡家析其姑適同浮者叙南程復元有子矣悉所將貨竭衣裝盡購得以還至家善卿問曰成都知姑氏音問否且對以文亡適程狀曰何不購以歸曰皆至矣善卿大悅德甫歿矣未及見之諒以子孫能奉已爲愜今程氏夫婦偕其子俱養善卿家衣食如一中外無間言善卿子即楨也進士來見者首張闡于高次者楨次者支謂與文舉次則李珍彥博令狐子仁彥安也或言維周得姑氏歸與其父對於殊類范永相麥舟也意欲予書之予

不敢斬予言也故且載如此詠歌而傳之則在能賦之士大
夫君子矣至順庚午閏七月二十八日書

陳雲嶠省親詩序

夫神駿之馬可以一日千里而不可從容鸞和於交衢之舞
寬博之衣可以揖讓升降而不可奮揚干戈於戰陳之交隨
其所遇而周於用者世常難其材焉泗人陳君新甫以名將
相家遭逢盛明廣大之日其昏姻皆衛霍金張之門其交游
兼嬰布帛棄之屬散萬金於一醵而不爲泰待千乘之卿以
長揖而不爲敖此其人豈屑之錐刀之末求譽於鄉原局之
於啗繁之間而效用於軌轍者哉宜乎一出而受知 仁廟
驟命以三品之貴而不屑也既而草儀前殿替禮明廷俯仰
進退郁之乎有文是以

英皇肇行鹵簿既閑習於縣絕之初

皇上親祠太室妙對揚於頤問之頃博聞洽禮之士無以加
焉世所謂難其材者新甫其兼之矣乎吾嘗見其退食也琴
書在前寄逸興於篇翰其曩空也賓客散去無悔志於當時
其孝於親也出乎天性方承顏於膝下母命之仕則仕從事
於 朝廷母思其歸則歸其去就之決又有如此者同朝之
士喜其歸省之及時惜其投簪而整遠作詩以餞之吾聞新
甫之在維揚也東渡大江得佳山水於常潤之間登高丘而
望滄海見其所謂雲嶠者眇然乎虛明浩蕩之外將無乘風
而長往乎太夫人年高新甫方強仕願敦孝弟之道以成忠
厚之德吾占諸易得漸之上九鴻漸于遠其羽可用爲儀吉
新甫尚翩翩而來朝哉

宣城貢先生慶八十詩序

宣城貢先生年八十之歲親戚鄉黨郡縣長吏部使者咸往

慶樂之中朝公卿學士大夫嘗與其季仲章同朝者聞而咨
羨焉爲文章歌詩以授其子師正俾歸以爲先生壽而集題
辭焉夫古之人所以尊夫高年者詩書琴瑟足以相其德衣
裳鼎俎足以奉其體子孫賓客足以樂其志遭時異平耳目
不接於拂膺之境則爲全美焉而先生皆兼有之誠所謂人
瑞者乎昔者西都諸儒申公伏生皆八九十至於百歲而淳
丘伯或者又謂其得仙道壽蓋不知其紀也貢氏明經世家
也爲申爲伏爲淳丘固其宜哉

送甘以禮詩序

集之從祖惠州通判府君以歲丁丑避地至古端而歿焉即
塋於其郡之江上內附國朝以來諸叔相繼淪謝獨先叅
政郡公北還規往迎遷率以事阻歲時嘗遣子弟門人往省
後先公老猶恒以此爲念集仕于朝未獲申先志而無一時

敢忘也泰定中甘君以禮有交游之舊適調端幕府集以情
告焉以禮既下車期月之間政以敏辦乃率其僚與縣吏以
暇日即吾壙而問焉則樵牧游至耕者或侵其域矣乃召評
故老而得其實伐木表其處曰虞通判墓置守家一戶俾食
度舟之利以圖永久且將祀諸學官而秩滿歸矣武夷詹君
景仁僉憲廣東行部至端申理其事大抵皆以禮之遺也集
家本雍蜀兵火以來墳墓散在東南者未能一一歸葬而省
掃不能歲至先惠州之墓乃蒙以禮高義如此其感激何可
忘耶以禮調官京師僅取便家一筓庫以去集備位班行知
以禮之材賢而不能薦感以禮之恩而不能報於中心寔有
愧焉故直叙其事以識別乃若區々之心尚或自見於他日
乎

聞故史臣曰宋昭陵時韓魏公與曾魯公同爲相歐陽公參知政事韓公於法令典故則問曾公文學人材則問歐陽公百官奉法循理而朝廷治噫何其盛也然則不治者其由於不奉法循理也歟古之人所謂豈弟君子者蓋以爲有盛德備福之人則可以爲治世者也至順三年十月曾公之裔孫香山公淳來京師以其先世門人林彬所述曾氏衣冠盛事一卷來相見曰東都之事備矣而南渡後若乾道宰相慶元倫魁以下蓋略焉將叙而錄之鄉先生傳李謨甫謂淳曰雖虞氏之在史官者宜請叙之是以來志集惟先忠肅公實與相國同事阜陵有同朝之好不敢忘也故謹書其事如右蕭田陳衆仲慶曆從官故家今爲國學官嘗爲余言至元時有御史按事過泉州問曾氏家廟所在而敬拜焉初內附族人驚不知所爲御史乃徐言族人我曾公諸孫之留居鄭州者也

出譜牒叙昭穆與族人昆弟父兄相對愴然泣下隨至白石村拜墓驪舍一月乃去惜不記御史名予從弟弦至洛中宰管城知有曾氏墳墓在其境亦不知御史何人淳行求之以見諸譜可也嗚呼前朝世家子孫至于今淪落盡矣淳言曾氏猶數十房淳雖遠仕南海上然去鄉不遠愴以先世遺事泯歿爲懼而輯錄之忠厚之澤於此蓋可見矣後之人尚鑒茲哉

禁扁序

繼志故翰林學士承旨中書參議曾國王文康公之次子也世祖皇帝既取宋淮南忠武王還奏留董忠獻公鎮綏江南時文康公以翰林應奉文字使董公軍中因謂董公曰宋氏經史圖籍文書略備不及今上送朝廷懼將散軼不可復得關係甚重也董公奇其言悉錄中秘外府圖書運舸致之京

師而屬文康公護之今館閣所藏多當時故物有識者甚疑
二公所爲也于後文康公揚歷臺省賓客門人一時文學之
選皆在是以繼志兄弟見聞異於常人又以彊記博學稱於
時自統綺之習固無與斯事而寒雋視之更興寡陋之嘆矣
禁扁之書在史館暇日所編號爲詳贍而他著述尚多也繼
志年富力彊好親師友則所學又當不止如著此書者

送趙茂元歸鄉序

百年之前吾蜀文獻之懿多出在東南名家者數十宋亡先
輩凋謝流風餘韻其或存寡矣眉山趙君茂元自其大父王
大父世以春秋掇危科登顯仕有譽聞於當世與同郡楊氏
史氏程氏家氏門戶相望互爲婚姻雖遠在吳越家庭之間
郁々乎故鄉近古之意也內附垂六十年茂元父子服其冠
衣講學郡縣不以官卑祿薄爲嫌意氣濯如也謁如也至治

壬戌予適吳將即遺老故家而有徵焉未幾召還史館未及
有所訪問獨茂元方爲吳學正得從容焉而茂元有悼亡之
戚亦不獲盡所欲言也後十年調官京師乃取閩中一巡徼
以去曰親老矣急於養焉又匆々以別噫子終無以廣其寡
陋也乎前年被詔纂述史記頗恨蜀學微絕諸君子緒言
不少見於故府聞茂元得其曾外祖平舟楊公遺文將從官
下并其家集刻之此志誠忠厚矣集欲更推其意訪諸家之
有傳者錄以上送其於補塞闕達不亦美哉敢書此以爲別

道園學古錄卷之六



[Faint, illegible handwritten text or bleed-through from the reverse side of the page.]

